




24301


Mag. St. Dr.

P



24301





R. P. *1744*

ALBERTI BARTOCHOWSKI

Societatis JESU.

PANEGYRES REGIÆ

Olim

JOANNI III.

POLONIARUM REGI

Post Victorias Otthomanicas

Scriptæ & dicatæ

*Quibus accessit Carmen R. P. UBERTI
NI CARRARA inscriptum eidem.*

JOANNI III.

NONDUM REGI



POSNANIÆ

Typis Regis Clari Collegii Societatis JESU.

Annò Domini MDCCXXXVII

BIBLIOTHECA UNIT.



JAGELLONICAE

24301

FULMEN

Orientis

JOANNES III.
REXPOLONIARUM
TER MAXIMUS

Bellicæ fortitudinis Gloria

INNOCENTII XI. Sollicitudine

LEOPOLDI I. Studiô,

Ingenti Portæ OTTHOMANICÆ terrore,
PUBLICO CHRISTIANI ORBIS VOTO,

PELLI ORTHODOXI
IMPERATOR
ELECTUS.

Viennæ, Austriæ, Pannoniæ, Podoliæ,
Ukrainæ, Valachia, &c. &c.

VINDEX

à Populis acclamatus,

Barbaricis adoratus cladibûs,

Inter festivos Triumphantis Europæ Plausus
à devinctissima MAIESTATI SUÆ

Societate JESU Polona.,

In Sæculorum memoriam & Regum exempla
RELATUS.

Quidquid Aves minabantur, Secundo
FULMINE abolebitur. Quidquid
Fulmine denuntiatus est, nec Ave
contrariâ refellitur. *Seneca Nat.
quest. Lib. 2.*

Sunt Fulmina, quorum minæ deferri
possunt, averti tollique non possunt.
Lipsius Cent. 1. Ep. 4.

Cùm feriant unum, non unum
FULMINA terrent. *Ovidius.*

Longum Socias tardumque putavit
expectâsse manus, & nostra pericula
tendit posthabitis pulsare suis, medi-
umque per hostem FLAMMATUS
virtute pia propriæque salutis imme-
mor, & stricto prosternens obvia fer-
rô, BARBARA FULMINEO secuit
tentoria cursu. *Claudianus de VI.
Cōsul: Honorii.*

Reges Fulmina sunt, dura frangunt
Lipsius Cent: 1. Ep. 4.

certè votò, de Orbis totius hostibus triumphabas. Scilicet ferrò alii Provincias, Regna cladibùs metu Orbem terrarum, Tu ita universum famà implevisti, ut nullus occurreret, quantumvis oculatissimi Numinis Vicario, cui securius propugnandæ Religionis integritas, præter Te crederetur. Omnium vox erat Gentium: terreri ab aliis hostem posse, defendi Orbem non posse, nisi à JOANNE III. Postquam Lunam Turcicam iterum iterumq; superavit, infra illum est omne Solum: Laceratæ in Ungaria Religioni, deficienti suo in cultu Numini, hoc est morienti Christo JOANNES Præsentissimus. Acceptò igitur fumantis Austriæ nuntiò, ut haberes quem vinceret. Hostem quæxivisti extra Patriam, eaq; celeritate iter hoc es aggressus, ut famam ipsam prævolares, jamq; Te in bella euntem videbamus, adhuc dubitavimus, id sinè Sæculorum mora fieri potuisse, quod properabas.

Alii adversus hostes ituri olim Principes, ut Divinæ cujusdam fortitudinis opinionem assequerentur, Fulmine suam manum, imaginemq; (quam præmittebant) armare consueverant, & tonare prius populis volebant, quàm loqui. Verum picti isti Joves totò illò artis incendiò, ne intimam quidem tabulam, in sui admirationem accendebant. Ardebat quidem color, sed odiò ambitiosissimi Dominantis. Interea pictis illis Fulminibus, etiam

etiam muscæ, insultantibus similes, securè
inerrabant & de fastu sui Domini triumphabant. Flamma verò ipsa impotentem superbiam, perpetuò ridere, & tacitè prorumpentes scintillæ, cachinnari quodam modò videbantur.

Tu Regum Invictissime, ipsa belli æquitate armatus, ita de Heroicæ Virtutis Tux Fama securus es, ut neq; Leonum indutus exuviis, neq; FULMINE, prius Te in hostem moveris, quàm Exercitum; ferebas in SCUTO triumphali, non fictum Gorgonis Caput, Medusæq; frontem & supercilium, sed mentem Tuam Animumq; cuivis Hosti unicè formidandum. Tutelaris instar FULMINIS In Hostes ferebaris: Sæpius nos tamen respiciebas, & vicissim à nobis respiciebaris; non de hoc sollicitis, quod à nobis abires, è quorum animis nunquam discesseras, sed quod hostibus occurreres. Ipse ille tot triumphorum testis, & quò spem publicam provehebas ad victoriam, Equus, quasi mentem nostram intelligeret, tardiùs Te nostris ferebat ex oculis, ut diutiùs optatissimò Spectaculò fruerentur. Confluentem in horas multitudinem, terrebas Majestate, clementiâ invitabas; securumq; jam tunc erat augurium venturæ Victoriæ, Regium aspexisse vultum, ita de omnium nostrum affectibus triumphantem. Interim unusquisq; nostrum, de Tua unius incolumitate



REX POLONIARUM TER MAXIME

Non tarditatem nostram sed Tuorum accusa-
leritatem triumphorum, Regum Invictissime,
quod illos hucusque nostri plausus consequi non
potuerint. Imò jam parum aberat ut etiam
lenticiores Tibi optaremus Victorias. Promotis finibus
Imperii, amplificatò Regnò, immensò Gloria Immor-

*Nullis theatris apertis, solos in angustias egisti Oratores.
Maxima celebrare volentibus, Majora exhibes quotidie.
Hostibus ereptam narrare Viennam aggredimur. Tu
interim trecenta Hostium millia, partim victore ferro
caesos in acie proteris, partim terrore fulmineo pro-
stratos in fugam agis. Vix acta miramur: Tu Ca-
stra capis orientis: Nondum bis mille Gradibus
machinas, nondum manubias, nondum aequata Urbi-
bus tentoria revocavimus ad Calculum, jam expugnas
Parkanum, jam altò septem Danubiò capis frigonium,
Triginta millium Sanguine Turcarum adhuc calent
rabentque flumina, & jam ingrederis Stephanopolim;
ereptaque Religioni Tempia reddis, & Aras, Superis.
Ubi nostra Sacra, pallida ridebant Luna, ibi Te Du-
ce, Te Auctore, fixas videmus Cruces, depresso faste
barbaro triumphare. Una eademque, manu, Sobino
das Leges in Ungaria, simul in Podolia Scythiaq;
prope quadraginta millia Getarum Turcarumq; ster-
atis. Quae igitur penna? quae manus? tam celerem
Victoriarum Tuarum cursum famamque assequatur?
Quis tanta Operum Tuorum prodigia, quae nunquam
satis mirabuntur Sacula, dierum aliquot angustis
exaquarebit? Quis illi humiles obrudat periodos, cu-
jus pedibus supplicem Orbem videt, & in manibus
fortunam? Quaecunque Tibi domi meditamur E-
logia, jam illa in Pontificum, Imperatorum, Re-
gum, Principumque literis, non tam legimus.*

quam

quàm admiramur. Parce igitur Regum Inuictis-
 sime; Hostes armorum vi, Pœtas Rhetoresque
 triumphorum celeritate, Orbisque plausibus, despera-
 re cogis. Excessisti Polonum Carpathum gloria
 Austria, Pyrenæos cladibus Hostium exequasti,
 suis non minùs vitiis, quàm viribus su-
 perbas Ungaria Alpes superasti victoriis; & ad-
 huc Te paribus encomiis, vel voto sequi audea-
 mus? Narramus tamen quæ gessisti, ne pluris no-
 strum silentium, quàm Tuas aestimare victorias
 videamur. Loquimur; ut fateamur, nos vinet
 tantorum admiratione operum. Insolens enim Con-
 ditio est admiranda patrare, ut taceantur; ita be-
 neficiis Regnum obruere, ut efficias, ne possit esse
 gratum. Collige proinde Palmas viresque, &
 novis primo vere para frontem laureis, Sertis Ca-
 put, Catenas Hostibus, plausibus Aures, trium-
 phis Lechiæ, terminalibus maria Columnis. Ta-
 lem Te nobis, talem Imperio terrarum, talem
 felicitati populorum, generi humano servant Supe-
 ri diutissimè, ut per depressa Luna cornua, Tuo-
 rum agens Currus triumphorum, una Lechiæ
 manu, alterâ teneas Orientem: hodie Victor, olim
 illius Imperator. Hoc Tibi suo nomine Sanctior
 INNOCENTIUS, hoc Augustissimus LEOPOL-
 DUS, hoc Austria, Germania, Moravia, Bohe-
 mia, Silesia, hoc pars Magna Ungaria, hec Roma

varet: hoc Magni, Sacro fœdere colligati exspe-
ctant Principes, hoc populi anhelant sub iugo
Barbarico tam diu laborantes: dicam amplius; hoc
Valachi; Moldavi; Cozaci suspirant, hoc sibi tot
victoriis acta pollicetur Polonia; hoc ominatur.

Majestati Vestræ

Devotissima Societas IESU.

Nescias mirari rerum miracula Roma
 Quid cineres colis exiguos? quid Fulmina bella
 Scipiadas, timido Sculptos miraris in auro,
 Et gemmas pallere jubes Carthaginis irâ?
 Jam Phidia meminisse manus, jam vulneris alti
 Marmora non dignata ruunt: jam fessa Quirino
 Ostentare pudet veteres Capitolia Palmas:
 Huc oculos, huc flecte manus. En Scipio major,
 Casuri imperii, morientis vita Vienna,
 Austriaci fortuna Throni, Fulmenq; Gradivi,
 Postquam unô clypeô, ter centum millia Thracum,
 Postquam Bosnenses potuit Valachosq; Getasque
 Frangere, & attonito lacrymas excire Vesyro,
 Invidiam terris, tantum non ponit Olympo.

Si adhuc dubium esset, fatonè an casu, &
 non Arbitro Numine bella geri, liqueret
 tamen, vel supremam hanc expedit onem,
 quâ omnium exempla temporum, omnium
 literarum memoriam, ætatum omnium admi-
 rationem, Sæculorumque omnium invidiam
 superâsti, divinitus esse adornatam. Quasi
 etenim coràm palamque à Superis fuisses ad-
 monitus, ita in hostem, ipsi etiam telluri gra-
 vem, inusitato Heroibus passu ivisti, ut secu-
 rior credereris victoriæ, quàm ille pugnæ.
 Nocuerit multis nimia humanarum virium
 securitas, nemo enim succumbit facilius;
 quàm qui nihil timet: & sæpè magna Sere-

nitens gravius fulminavit. Sæpè feralis erupit
tempeſtas & felicitatis malacia, sæpè.

- - Medios ſecuit triumphos

Contemptus hoſtis, Spernentis ne-
gligentiâ factus validior. Tu cauſâ belli arma-
tus, conjuratis in Auſtriam, terrâ, mari Barba-
riſ, unus rerum humanarum ridere aleam,
unus inſultare Fortunæ videbaris. Ita ſoni-
tum procellæ atrociffimæ tranquillîs auribûs
excepſiſti, ita inconcuſſus vidiffi Orbem cir-
ca Te ruere, ut cuicumque Regium ſpectare
vultum contigiffet, ad immortalis gloriæ Ca-
pitoliûm ferri Te diceret non ad bellum.
Quam alii dant Reges Principesque triumphis
frontem, eam Tu trecentis prope Turcarum
inferebas millibus; de hoc uno ſolicitus, ne
minorem invenires hoſtem, quàm optabas. O
quàm lentîs plerumque itur paſſibûs ad bel-
la ſocialia! Diu Miles legitur, minanti quàm
pugnâturo ſimilior: diu humani caſus even-
tûque reputantur. evolvuntur ſuſcepta te-
merè bella, revocantur arma Punica, quibûs
nihil Orbi funeſtius dedere, Carthaginen-
ſium Suppetiæ, iterûm iterumque Senatus co-
gitur: interim verò cum Romæ conſulitur,
Saguntum capitur. Sæpè diffuſus per Oppi-
da miles, vaſtam ubique ſpargens ſolitudinem,
priùs Victorem æquat victis, quàm tubam
audiat: ruunt Urbes, evereuntur Provinciæ,
violantur Aræ, pudor hoſtium libidini objici-
tur,

tur confunduntur leges, triumphat insolentia. Tot Tutelarium armatorum millia prius è vita exeunt, quàm in aciem, plures lentum iter sternit, quàm gladius.

Tu Regum Sapientissime, ad primum laborantis Viennæ nuntium omni procul mora, in Augustissimi LEOPOLDI, dicam in omnium Regnorum provolando Suppetias, viam inter & victoriam, nullum nisi terrarum spatium admisti.

Festinatò igitur sequar calamò citatissimæ post hominum memoriam expeditionis Tuæ vestigia, ne longiorem ego traham narrando moram, quàm Tu, saluti publicæ succurrendo. Utinam verò tantum assurgat Oratio mea, quantum Tu emines Regnorum fastigiis. Utinam stylus ita sese erigat, acut Tu felicitatem Nostram erexisti: Utinam tantum habeant Paginæ gratiarum, quantum habent immortalia Tua promerita splendoris, admirationis, Majestatis. Pallerent profectò, pallerent invidiâ Plinii, ringerentur, quantumvis Pacati, silerent Tibacius Taciti; Curtii, non extenderent famam Alexandri: vilescerent Aufoniis Gratiani, non evolverent enodarentque ex antiquitatis fasciis Theodoricos Ennodii, nec tuum auderent prodire in conspectum. Nihil blandiemur Fortunæ Tuæ fingemusq; neque enim adeò publicè, fas est aut decet. Rarò, idem fingunt multi, nunquam

quàm omnes; præsertim perpetuò. Tantùm
itaque à specie adulationis aberit Oratio,
quantùm immortales Tux Victoriæ distant
ab humanis. Non aliunde gesta Tua digno-
scuntur, nisi quòd omnium victorias Heroum,
omniumque exempla temporum, excedant.
Dum evenisse quidpiam videmus, quòd ne-
mo sperare audebat mortaliùm, JOANNIS
TERTII factum credimus; Si tamen ego non
omnia narravero, Tux Virtutis id quoque Elo-
gium existima, Regum Fortunatissime, quòd
plura unus agere possis, quàm dicere Orato-
res, vel Pòetæ fingere.

Atque ut inde Panegyris Tua, & Felici-
tas nostra ducat exordium: Jam hucusque
Orbis, si habuisset quò caderet, corruisset.
Quorsum enim ultimi terrarum cardines
movebantur? vertebantur maria, trasfereban-
tur Imperia, Regna, Provinciæ? Ipsæ Victo-
riæ nova fuerunt bellorum semina. Stabat
super oppressorum ruinas populorum, ebrius
terrarum cladibûs Othomanus victor, exhau-
stò Graciæ, Macedoniæ Imperiò, Septuaginta
quinq: Regnorum sepultis opibûs, etsi Orbis
tumulo fuerit propior quàm triumpho, adhuc
tamen humanum sanguinem sitiebat. Non
Cælum, non tellus, non Regnum, non Patria,
non quies ulli secura fuit. Captus insidiis
hostis, domandus fuit ferrò: pulsus, cum bel-
lum inferret; frangendus erat, cum propul-
saret:

faret: fufus in Campo, vincendus erat in
mari: eundem Hoftem, fapius objectante feu
ambitione, feu fato; ut plures vincendo plu-
ris fieret victoria. Cladibus Hominum suc-
ceffere cades Urbium; Exercituum funeri-
bus, naufragia claffium; Regnorum excidiis,
populorum captivitas. Erubescendis nimi-
rum ex bellorum diuturnitate victorils, ad
ultimum triumphorum fuperbus contendebat
Bifton. Vitam, quam per tot discrimina fer-
vabant mortales incipiebant dereftari; exuiq;
femel omnibûs cupiebant, ne fpoliarentur
quotidie. Barbarorum gaudia, Provinciarum
faginabantur lacrymîs, & unius Machometis
divitiis, omnium inopia laborabat. Gemebat
Afia, plorabat Africa, fufpirabat America, Eu-
ropa fatifcebat. AUSTRIA, tam diu bello-
rum tumultuumq; nescia, per jugulum pe-
tita eft, convulfa, profanis ignibûs flagra-
bant Tempia, fumabant Aræ, ingemifcenti-
bûs ipfis mortuorum manibûs, profunde rue-
bant tumuli, hoc eft ipfa fepeliebantur, Mau-
folæa. Lugebat in Ungaria Religio, filebant
divinæ humanæq; leges, effrenata ubiq; licen-
tia graffabatur, & fcelus jam erat, fceleftum
non videri. Defendebantur à fuis hoftibus
Urbes, ne deeffet quod poffent eripere. O
miferam sortem pecoris, à quo plura Tutela-
res exigunt Dii, quàm vorare lupi poffent!
Laborabat Urbium caput Roma, fufpirabat
Impe-

Imperium, "prodigebatur Heroum Sanguis, de-
stinabatur lanienæ lectissimus flos Austriae.

Vienna, in portis, ac prope manibus ipsis,
& tantum non in foro, Lunas conspexit Tur-
cicas; ideo duntaxat non exanimata, quod
Tuo Regum Fortissime viveret Spiritu. Tot
Regnorum superatis mortibus, æternum sibi
pollicebatur Oriens Imperium, nisi Tu, illud
quoq; mortale docuisses. Jam resolutâ ve-
luti ingentis compage corporis, in exitium
Imperii, juratus ruebat Hostis; Tu Rhodii
Colossi instar obstitisti, & in una Austria,
Christianum Orbem, vetuisti labi. Rapiebat
alios, implacabilis more fluminis, exemplum
grande precedentium, crescebat cuiq; ex alio-
rum contagione audacia. Integerrima Tua
in humani generis securitatem fides, ne af-
flari quidem potuit. Integerrimus Orthodo-
xæ felicitatis amor ab illo ipso Hungariæ in-
cendio sumebat vires animumq; Crescat (in-
quiebas) alta frons Rebellium, ut ruat pon-
derosius, ipsismet periculis, suam animet
superbiam cæcus furor, ne belli causa inte-
reat, lætetur quotidie scelus impietas:

- - Parente quidquid crimine nascitur,

Nescit perennare - -

Tantus ardentis Ungariæ Austriæque fu-
mus, splendorem olim afferet Leopoldo, la-
crymas eliciet Orienti. Longo bellorum usu
didicimus: majorem esse Turcarum famam,
guam gloriam.

Hinc

Hinc quod olim rebus Orthodoxis labentibus, Stephanus & Vladislaus IV. Reges, bellæ virtuti suæ volebant spatium, Tibi ultro apertum est. Nimirum, Carthaginensibus ingenti præliò Romanos aggressuris. Xantippum Ducem Spartha dedit: Arma Ægypto illaturus Artaxerxes, Athenis ad Clavam quaesivit Iphicratem: Leopoldus Augustus, ut Orbì terrarum succurreret, Te ad Imperatorios Orthodoxi belli Fasces sapientissimè invitavit. Et hoc demum est, Imperator Augustissime Patrem esse Patriæ, ita partiti curarum Fasces, ut Cives dubitent, Superine illos contulissent, an homines. illos habere bellorum Caput, quos Orbis, si interrogaretur, demonstraret; illos Romani Solii existimare vindices, quos Terrarum Imperio simillimos inveneris. Cor, nimirum, animaq; cum sis Imperii, non tam vocibus, quàm mentibus populorum morem geris. Non majora faceres Divinior Auguste, quàm mortales agant, nisi vota etiam ipsa Orthodoxæ intellexisses Reipublicæ, & intima omnium desideria, prius quàm depromerentur coronâsses.

Prius enim Te, Regum Fortissime, omnium Gentium, prius tacita omnium populorum desideria, suorum armorum Ducem, quàm suffragia elegerunt. Prius Judiciis nostris, Orbis Clavam tenere merneras, quàm accepisti. Nondum è Solio Regnoq; Tuo in Austriam
pedem

pedem moveras, & jam publico de Te sensu
obtinueras, talem esse debere qui à populis
debeat adorari, amari à Regibus, ab hostibus
formidari. Christianorum censebaris armorum
Imperator, & nondum eras. Heroicæ Tuæ
Virtutis existimatio, animorum occulta præsa-
gia eò vocabant, quò Te immortalia pridem
ducebant merita. Non longa Tibi delibera-
tione, publicæ felicitatis negotium, sed Cæ-
lesti quodam impetu instinctuq; commissum
est. Ipse ad Te Honor, cujusvis moræ im-
patiens, quasi post longa tædia festinavit. Tu
verò, ipsa etiam Augusti Corporis Majestate,
ita novam hanc auxisti dignitatem, ut Matre
Pulcheria, natus populorum deliciis videaris
Polone Martiane. Fastigiò Regiæ frontis
transcendisti staturæ honorem, ut omnes Prin-
cipis Animi dotes posses capere. Mens enim
immensa, præcella indoles omnem mediocrita-
tem dedignatur. In Augusto ad bellum hoc
Te produisse, si aliunde non nossemus, cogno-
vissemus, ex eventu; prius enim Te intulisti
Templis, quàm in Hostes ires; ut immortali-
tatem haurires à Numine & omnium pro Deo
discriminum mortisq; umbram, deponeres in
æternitatis atrio, in quo Sacras Tutelarium Re-
gni exuvias, inter aurum & gemmas, etiam
post mortem vidisti triumphare. Hinc non-
dum manus, nondum prælium commiseras,
& jam in omnium Regnorum, si non invidia

certe

rate quasi domesticarum fortunarum oblitus,
cogitabat, Sermones in conviviiis, plausus in
congressibus, ubique gaudia non aliunde nisi
à Tuo ducebantur Nomine. Tua salute Re-
gni Procerum personabant triclinia, sub Tui
Nominis fidere, securè publica gaudia, ple-
na natabant Amystide. Sive nobis Cælum
reddebat, sive aliis ferebat Solem, nunquam
ex ore populorum JOANNIS III. Nomen
discedebat. Imò ipsa etiam nocturnæ quietis
spatia, injecto nobis triumphali de te som-
niò ita fallebas, ut singuli Tecum coram
agere nobis videremur; Sublatò ex oculis diu
nostri immemores hærebamus, quasi Tibi in
Hostes abeunti, singuli vires suas, roburq;
consignassent, diu ab imaginis Tux memoria,
veluti à flore apes pendebamus. Audire no-
bis videbamus tubam, imo & vocem Tuam,
milites animantem in bella, ipsi quin etiam
conclamabamus arma, disponentem Acies mi-
rabamur, intereramus præliis securi, adorna-
bamus Victoriæ, antequam pugnares. Ubiq;
nos Tibi, ubique Tu nobis, ceu Numen quod-
dam aderas. Fusis à Te insultabamus Hosti-
bus, eò liberius quod ne nuntium quidem
cladis relictum crederemus. Illud tandem
effecerat, Regum Fortunatissime, ut omni co-
gitatione in Tuos conversa successus, cum
unus alteri prospera vovere vellèt, in Tua
Nomina, eventusq; felices prorumpebat; quasi

sibi omnia vota, curasq; omnes, studiaq; incolumitas Tua & felicitas nostra vindicaret.

Ad rædii lenimentum, quod Tua nobis pepererat absentia, reliqueras nobis domi Serenissimum Alexandrum, Polone Macedo: tamen quò veriore similitudine Te nobis referebat viva hæc imago, eò nos acerbiùs Tui conspectus desiderium cruciabat. Relucebas velut in speculo, gaudia tamen nostra metusq;, Tuam, galeâ munitam frontem quarrebant inter Hostes, aberas à nobis, obversabaris tamen animis singulorum; à vivo Tuo pendebant solatia nostra simulacro, & tamen absentem dolebamus. Jam triumphum canebamus, jam ordinabamus gaudia, & illis ipsi cruciabamur, irascebamurq; tantis tamq; intimis Poloni Orbis deliciis lassabamur, eratq; quod nobis inter tot amores displiceret. Toties Cosròes, etiam ex domestico illo cælo, nubes quædam doloris confundebant, quoties nondum profligatâ Turciæ Lunâ ex profundo Bistonii cruoris mari, vultûs Tui Orientem cogitavimus emeruisse.

Nullum in Templis carmen attentius, nullum purius, nullum Sanctius nobis fuit quàm cùm Cælo supplices pro Tuis successibus palmas, tenderemus. Cùm verò votivis pro Te tabellis pretiosiores nobis fiebant Aræ, domesticus etiam Civium focus, ad quem, nulla gaudendi, nulla dolendi necessitas sed
liberè

liberè sua quisque gaudia doloremq; aperit,
nunquam nobis lucebat splendidius, quàm cum
Tui memoriam intimo sermone coleremus:
& quasi ipse quoq; felicitatem nostram intel-
ligeret, publicæ clarius arridebat lætitiæ, pro-
cul omnî fumò, ne cui lacrymam, tot inter
gaudia, etiam casu eliceret.

Interim OLOMUCIUM quò magis ex hu-
manitate quàm ex itinere deflexeras, avidum
cognoscendi Tui vultûs, effundebatur in atria,
in limina, in plateas, è palatiis, è conclavibus
è tectis, & tantum non è corpore. Omnes
suarum rerum oblivisci, omnes Tui unius me-
minisse; balbutire Tuas laudes pueri, viri res
gestas efferre, gerendas prælagire senes, ubiq;
in Tuos plausus, ubiq; in Populorum gaudia,
ubiq; in Tuæ admirationem virtutis incide-
bas; hoc est ubiq; occurrebas Tibi; quia prius,
omnia Tui desiderio impleveras. In tanta
confluentium undiq; populorum procella, ex
Tui vultûs fidere ingens manabat serenitas,
imò tota quanta Moravia, in omnes Te vo-
luit bellorum casus comitari. Erumpebant
populi, obvia sequebantur oppida, effundi
vidisses tecta ipsa, ni sensu caruissent, omnesq;
portas & vias, virtutis Tuæ admiratio, & fau-
stæ populorum apprecationes occupassent. Ne-
mo interea temporis, suo dignabatur aspectu
solem, quantumvis publicæ felicitati, solito
clarius arridentem: omnes à Tuo vultu pen-
debant,

debant, etiam in medios Tecum ituri Hostes,
si permisisses. Gravius erat omnibus securis
esse domi, quam unâ Tecum belli procellam
sustinere. Tu verò benevalere cunctos jube-
bas, & præ insolito gaudio circumfusæ mul-
titudinis, ex triumphali Galeâ prurumpentes
interdum lacrymas, nostris miscebas. Et hæc
una fuit mora, quam in procinctu bellorum
nectere cogebaris, ut devintissimos Tibi po-
pulos, domi suæ relinqueres, haberesq; quos
ab hoste defenderes. Irascebaris moræ, singu-
los tamen complecti volebas, difficiliusq; Tibi
fuit obstantium interdum frequentiam Civi-
um, plaususq; superare, quam barbaros.

Quàm diu plerumq; ab aliis belli vel pa-
cis exspectanda sunt arbitria? quasi; à Del-
phico venirent Apolline, Tu felicitati publi-
cæ, Tu securitati populorum, Tu fortunis o-
mnium tanta celeritate consulis, quanta vel-
les succurrere. Tanto rationum pondere He-
roica vota Tua imples, ut prius illa hostis ti-
meat, sentiatq; quam ad exitum deducantur.
Solis olim Romanis Imperatoribus, Solenne
erat, sedendo de hostibus triumphare; Tu a-
micos quoque pulcherrimo toties ducis in tri-
umpho, quoties exspectationem omnium gra-
vissimò vincis consiliò, & parsimoniam ver-
borum, maximarum momentis rerum supple.
Aliorum numerantur consilia, æstimantur Tua,
in arduis subitisq; casibus, & promptiora, &
fortiora.

fortiora. In primo quoq; illo Socialis belli comitio, Maximorum in Imperio luminum frequentia florentissimo, prope Tulnensem Danubij ripam, Cremsam inter Viennamq; Sapientissime desiderasti aperiri consilia, non declamari. Surgentem de Sententiae primatu procellam, quam sive dignitas, sive æmulatio paraverat, tam facile Tibi fuit superare, quam armorum moderatoribus describere. Ita de animorum prius tempestate, quam de barbaris triumphasti. Et hoc demum est non manum tantum, Imperatoriae parem habere Clavæ, sed & mentem. Dicam omnia Regum Sapientissime, hac via, longè securius, quam parato illo ponte, in oppositum Danubii littus totum exposuisti Exercitum. Sed heu? per quos pericula ad immortalem itur gloriam! quos vallis Oriens indigebat, ne à Te posset conveniri.

Composita Regni Tui alieniq; Imperii procellâ, trajiciendus erat Danubius; victo Danubio, superandi fuerunt montes; subjectis montibus, penetrari Sylvæ debuerunt. Quasi non iter ingressus fuisses, sed prælium, cum Saxis, & Sylvis, & feris, prius certasti, quam cum hoste; per tot juga contendisti, ut Viennam solveres à Jugo barbarorum. Supercilium asperrimi montis imminebat viæ, non angustæ modò, sed plerumq; præruptæ: Tu tamen omni discrimine altior eminebas: Ubiq;

Tibi periculis major gloria occurrebat: eoque militem ducebas tramite, quò vix leviores feræ pertingebant. Austria verò vicinum melioris fortunæ suæ diem meritò conjiciebat, quando suos Tuâ purpura rubere montes vidit. Quantumvis alta, tamen adhuc altiùs erigebant se se culmina, Tua magnitudine. Minor est collati Tecum Alexandri fama, per asperos Ciliæ montes in Persiam contendentis. Angustior illi fuerat aditus, quàm ut omnia caperet alimenta, quæ victæ Provinciæ, non tam ad necessitatem, quàm ad luxum Macedonibus deferebant.

Tu triduanam Exercitus famem, sitimq; solis futuræ Victoriæ cupediis, & Sangvine barbarorum relevabas. Palam erat, quantum possit Polonus Miles sustinere, si gravissimum vitæ humanæ telum famem, tam diu ferre potest. Quid non fecisses post epulas Polone? Si jejunos tot dedisti fortitudinis prodigia. Ite, ite in hostem immortalì vestigiò, invicti Lechiæ Proceres, post tam longam famem amicæ telluri leviores, Bistoni graviores. Saginentur interim barbari, ut pecudum more, carius moriantur: ut plus effundant sanguinis, plenis corporibûs descendant in arenam. Palatum Vestrum omnia fastidiat, præter Victoriâ.

Quasi ipsam victoriâ & infaustos Vezyri exitus, in consilio habuisses, per aspera montium, & sylvarum invia celerabas viam. De

ta m

tam Superbo hoste, lentam victoriam, & se-
gnes triumphos dedignatus, à bello malebas
abstinere, quàm tardè vincere, palam facturus,
quòd non tam pacis remedium, quàm excidium
quæras Barbarorum.

Fieri solet, ut cùm ultimi discriminis tem-
pus allabatur, in sollicitudinem vertatur fidu-
cia. Tu quòd vicinior eras Hostibus, eò Secu-
rior videbaris. Illam ipsam Orientis Fortu-
nam, quâ tot bella gerebat prosperè, in omen
Tuæ vertebas Victoriæ: ex his, quæ aliis eri-
puerat, ut daret Barbaris, quàm mutabilis esset,
reputabas. Interim non de stratagemate, aut
dolo bellico (quod aliis solenne est Victori-
bus) sed de aperto prælio cogitabas. Nulla
fraude pretioq; emere voluisti triumphum,
sed mererì. Etiam hostibus illam relinque-
bas felicitatem, ut se fortiter tueri possent, &
Tu vincere gloriosius. Tunc demum dignam
Tuâ fronte lauream credidisti, si eam non
dolus, sed heroica virtus peperisset. Non di-
gnabaris in illum arma stringere, cui spatium
pugnæ, spemq; victoriæ non dedisti.

Tot Machinarum audiebas FULMINA,
quibûs Vienna petebatur, & Tu non tam bel-
li Classicum, quàm triumphi dari Signum,
Tuis dicebas Heroibus. Ingentes prope to-
nabant moles, & Te gravius laceratæ Urbis
lacrymæ verberabant. Trecentis prope arma-
torum millibûs, non ita Viennensium spemq;

metumq; Civium, & muros, quàm Tuam gloriam, promissamq; fidem, & clavam peri cogitabas. Barbari fossoris ligo profundè tellurem sciadebat Austriæ, & Tu vulnera sentiebas. Intimas Tuo cordi fibras eripi querebaris, toties, quoties effossæ viscera terræ jactabat hostis. Ite in antiquitatis memoriam, Sæculorum fidem repetite; dicite, quis unquam mortalium tantum pro suo auditus est folio desudâsse, quantum Tu pro alieno, Principum Religiosissime, Fortissime, Fortunatissime.

Vix in conspectum veneras Castrorum, & jam, qui ultro bellum intulerat, provocari se Hostis sentiebat; Hostis, majorem terrarum partem, non tam Victoriis; quàm triumphis pervagatus; Hostis, quem ne illa quidem poterat sustinere tellus, quæ genuit; Hostis ad perniciem generis humani natus, & excidium populorum; Hostis, cui ipsius etiam mortis contemptus, eò facilius fuit, quò minorem vivendi causam habuit, quàm Poloni. Te tamen unum adesse, sensit gravius, quàm Septuaginta millia armatorum, quæ in aciem produxisti.

Tum demum se confessus est, major animò metus, & quò plus puduit deprehendi, eò violentius malè clausi pavoris signa, per vultus oculosq; indices erumpebant.

Postquam adventum Tuum pavida nunciaverunt excubiæ, vix credenti jam occurrere,

rere, quem toto divisum credebat orbe, "pri-
usq; lapsurum è Cælo Solem, quàm JOAN-
NEM III. movendum è Solio jurabat.

Tu verò minora dedignatus adire pericu-
la, tunc Viennæ succurristi, quando omnes
desperaverant; ut constaret omnibus quis vin-
ceret. Magna parte prius, sive mania, sive
propugnacula Urbis ceciderunt, quàm venisti,
à longè magnum Hospitem cadendo venera-
ta; sedibûs emotæ suis, ædesq; turresq; non
ruere, sed exsilire in occursum Vctoris vide-
bantur, valla, imò fossæ etiam ipsæ cladibûs
exæquata, ante adventum Tuum periêre.
Quasi palam faterentur: exuta propugnacu-
lis Urbî satis fore munimenti, à triumphali
CLYPEO JOANNIS III. Rumpebatur tel-
lus Austriæ, non tam vî subjecti pulveris, quàm
præ gaudio Liberatoris ex Polonia venientis.

Cedit, cedit Tibi gloriam non recentium
Sæculorum modò, sed totius memoriæ vetu-
stas. Ut de Romanis triumpharet Annibal,
Castris solebat interessè, non prælio. Xerxes
ut navalem referret Victoriâ, spectavit ho-
stem in arena. Augustus apud Actium even-
tui aderat, non periculo: Te Regum Fortissi-
me semper in prima acie, semper ante Signa,
ubi plûs periculi, quò maximus Hostium glo-
bus ingruerat, spectavimus.

Ego magis Tibi, aut veriùs dicam nobis,
singuli timebamus, quò ipse de Te fuisti secu-
rior,

rior, invictæ tamen Tuæ Virtutis memor non
ster amor, quò minorem timendi causam ha-
buit, eò fuit fortior, ac insignior. Non enim
fortitudini diffidebamus Tuæ, sed nostris in
Te indulgebamus affectibus, tantò validiori-
bus, quò minor fuit metus præsentis periculi,
quàm lætitia venturæ Victoriæ. Humanorum
memores eventuum, Fatorumq; unum illud
timebamus; ne apertâ præclare moriendi oc-
casione, ingens animus angustæ telluris impa-
tiens, ad consanguinea magnis Virtutibus Czli
limina raperetur, sed Tu nostræ tantum feli-
citatis memor, suprema pro nobis pericula su-
bire maluisti, ac inter nudos Hostium enses
irasq; versari, & Tui conspectûs avida interim
differre sidera.

Unum erat, quod formidabas, nimirum,
ne diutius ingens ille numerus perire posset,
quàm Poloni manu sternere, & quantumvis
non virtute Hostium, sed ipsa diuturnæ cæ-
dis vincerentur lassitudine. Tanta enim Ho-
stium erat colluvies, ut non ad unius Urbis,
sed ad Orbis totius excidium, ab ultimo terra-
rum cardine, ubi sol fervidior, horridiora mon-
stra educat, videretur in aciem illam erupisse.

Hic Jablonovius Magnus Polonæ militiæ
Ductor, Varsoviensibûs, Sakmarenfibûs, Cu-
dnoviensibûs, Chotimensibûs, Złoczoviensibûs,
Stawiszceensibus, Zoravnenfibus, sive præliis
sive laureis pridem insignis, dextrum Cornu,

lævum Lotharingus Sieniavius non minùs
bellorum, quàm avitæ suæ Lunæ splendore
Illustrissimus, Lubomirscius, Saxo, Bavarus
mediam moderabantur aciem: Rex omnia.
Quamvis superbus Hostis, nec spatium qui-
dem pugnae dederat, ne locum daret Victoriæ.

Jam in conspectu erat utraq; acies, cum
priores Getæ, Turcæ, Arabes, Valachi, Mol-
davi, Ungari, Transylvani, Bulgari, Serbi,
inconditum & truce[m] fustulêre clamorem,
ignes totis Castris collucere, omniaq; velut
continenti incendiô ardere visa. Redditur
more patrio, & à Polonis ferri major quàm
vocis fragor, volant in hostem Hastatæ Legi-
ones, quibus nihil orbis habet ad Majestatem
terroremq; grandius, nihil Oriens formidabi-
lius, nihil Mars ipse fortius vel votô saltem po-
test concipere. Tonant utrinq; majores belli
machinae, miscentur acies, conferuntur Signa
Signis, armis arma, clypeus clypeô retundi-
tur: Vir cohæret Viro, non timido, non for-
ti, non ignavo, ponere arma licet. Hinc stre-
nuus Lotharingus, hinc fortis Sieniavius, hinc
acer Bavarus, inde impavidus Saxo tonat, hinc
tot laureis insignis ruit Lubomirscius, inde
fortissimus æquè ac fortunatissimus Jablono-
vius, sæpius dextrâ in hostem alâ involat, cæ-
dit, fugat; hinc Regum Sapientissimus omni-
bus dat pugnae leges & Victoriæ, ac præsen-
tissimi ubiq; instar Numinis, omnia absolvit,
tanquam singula.

Horis

Horis prope novem, dubio ancipitiq; Marte dimicatum, quasi non unius Viennæ, sed totius Orientis alea verteretur. Tu interim Regum Inviçissime ita non Ducis magis, quàm militis agebas munus; ut etiam ab illo Hostilium Castrorum ordine timereris, à quo longè aberas. Cum ab una Legione ad aliam transvolares, ipsa illa formidabatur fiducia, eò quod à Te suas contemni vires sentiret Barbarus, quoties partem aliquam deserebas. Nulla proinde Turcarum fuit statio, ordo nullus, nulla legio, quæ tuam aut non sentiret manum, aut non horreret. Ceu FULMEN quoddam omnium obversabaris oculis, etiam tunc cùm Te aliò ingens belli calor rapiebat. Hostis quidem ita pugnabat acriter, quasi mori non posset, aut post mortem quoq; esset pugnaturus; Tu ita fortiter instabas, ut per ærem etiam velle ruere videreris, si tellus defuisset. Quanquam ipsi Barbari, involasse Te in suas acies, non venisse crediderunt. Verterunt ergo in Hostem, tristissimum illud funus Superi, quod Viennæ, quod Austriæ, Ungariæ, Bohemiæ, dicam clariùs, quod Orbi Christiano paraverant. Fecisti ut ipse sibi ad tumulum Oriens præluceret, nam neq; Te decebat vincere nisi tot Regnorum Dominum, neq; illum vinci, nisi à Te. Diu quidem pendebat Victoria, sed ut palam foret omnibus quantum Tibi pro illa Romanum deberet

Impe-

Imperium. Ad aliquot horas Cladem Hostium extendisti; ne quis facile grandem Vezyrum posse cadere cogitaret. Habent suam ingentes clades moram; habet suum magna ruina spatium; tardius cadit turris, quam arundo, omnibus belli tonabat fulminibus furor Orthomanicus (ut pluribus constaret sua clades) tellus trepidabat, ipse Sol pallidior incedebat, Tu ne semel quidem laureatam frontem contraxisti. Polonis iusta proferentibus arma, nihil esse seipsis formidabilius, inquebas. Orthodoxæ Reipublicæ, cujus alea vertebatur, stipatus affectibus, non ruebas in hostem, sed volabas, suas enim Tibi omnium populorum amor addebat alas: Tu verò Commilitonibus Tuis, necessitatem quandam insolitæ fortitudinis, imponebas exemplò. Longum nobis ante pugnam certamen Tecum fuerat, ne Te ita fortiter aperteq; Hostium telis objiceret, sed Te pudebat de salute illa extimescere, in qua publica nostrum omnium posita fuit securitas. Vezyrus ergo pavidus, ne in Polonas veniret manus, Magno Tartarorum Duce coram, geminisq; plorantibus Filiis, in spem tantæ Fortunæ genitis, quanta, paulò ante illorum Parens terrarum Dominis eminebat, uberes solutus in lacrymas, tacite suam increpabat audaciam, quòd sua Tuis conferre signis arma, cogitasset. Dicam clariùs: grandis Vezyrus, qui tot Regnorum præfuit funeribus, & in ipsi-

in ipsius Fortunæ manibus, ac triumphis consecruit, Te coram, Bellator Emeritissime, repuerascere coactus est, & planctus effundere, quos Septuaginta quinque Regnis, crudelis Dominator exprimebat.

Indecorè deinde, projectis insignibus Imperii, ne tam turpis fugæ Ducem proderent, obvio temerè impositus equo, quâ ad exitum exitumq; patebat via, prorumpit; Castra & belli machinas, quibus tot Regna nuper concusserat, deserit. Nimirum, ubi Te conspexit Hostis, etiam ipsa Victoriæ suæ munimenta & triumphorum auxilia, cepit formidare; nova omnium animos formido incessit, de capienda enim Urbe, triumpho, quàm prælio erant propiores. Ipsa discurrentium festinatio Ducum, arma conclamantium, & ordines, majori tumultu Castra turbabat; ingens exercitus, jam ad hoc, jam ad aliud intentus imperium multitudine laborabat sua: tum verò alii dissipantur metu, alii tot fiducia victoriarum tumidi, ad prælium redeunt, ne deessent, quos duces in triumpho. Nemo in fuga Hostem numerat; ex iis tamen, qui in acie ceciderunt, constabat, innumera Turcarum millia in campos evasisse.

Neque enim tuam Victoriâ, neq; tanti Hostis funus, Castrorum angustiae ferre poterant. Per tot ergo spatia terrarum instabas fugientibus, cædebasq; Siculas Orthomanis da-

curus

turus vesp̄as, nisi altis strati cadaveribus,
campi, Victoriæ moram posuissent. Agebatur
in Ungariam, more pecudum, agmen illud
omnium oblitum fortunarum; & quod olim à
crudelissimi Ducis, non Signo modò, sed e-
tiam metu pendebat, ne aspectu quidem fu-
gientem dignabatur. Omnes Tuæ fortitudi-
nis, siue metus, siue reverentia, in superbissi-
mi dominantis odium armaverat. Ambiciosis-
simum illum Hostem, qui se ex astris cecidisse,
suòq; superciliò, velut Atlante Cælum, Impe-
rium Orbis terrarum, niti putabat, qui alios
extra se, tantum non muscas arbitrabatur, aut
culices, qui Soles ipsos ad invidiam, armorum
splendore provocabat, mox ignibus extinctis
solitò funestior, Luna spectare fugientem de-
dignata. Castris ergo fortissimè occupatis,
nulla maximæ fortunæ facies deerat; relicto
superbo belli apparatu, palam fuit omnibus,
quantum Hostem viceris. Minima pars præ-
dæ, nitratus pulvis, & plumbum, duobus mil-
lionibus æstimata; majores belli machinæ du-
centæ captæ, minores mille sexcentæ, harum
singulæ, minimum quadringentas sexaginta
duas pulveris libras capiebant.

Nullus unquam (teste Floro) pulchrior in
Capitolium, aut speciosior triumphus intravit,
nihilq; libentiùs populus Romanus aspexit,
quàm illas, quas olim timuerat, cum turribus
suis belluas, quæ non sinè captivitatis sensu
sub-

submissis cervicibus, victores equos in urbem
sequebantur. Et erat hæc pompa ingens, tri-
umphabatq; imbellis etiam populus de ipsis
feris, cum jam Hostes defuissent. Amabat
formidines suas oculus, & securo metu tene-
batur, horridè quantumvis indignantibus bel-
luis, quasi intelligerent suis humeris Quirini
nominis ferri gloriam, puderetq; Capitolio de-
ferre suam cladem. Legebantur, in attritis
etiam ferarum vultibus integræ adhuc fera-
rum minæ, & mediâ jam pænè in morte ira
vivebat. Ipsæ illæ quæ præferebantur Leonum
exuvie, mortem adhuc vulneraq; suis Victo-
ribus minabantur. Insolita nascebatur ex tri-
umphali horrore illo voluptas; in pardis pla-
cebant maculæ, in monstris, ipsa deformitas
fuit spectaculo. Eò liberalius, informibus
belluis plaudebatur, quò magis insolentissimis
illius seculi moribus, blandiri feritate suâ, vi-
debantur. Ita latè plausus pompæ illius ex-
undabant, ut captis alieno ex orbe feris, tri-
umpho sui gaudia Roma non caperet. Remi-
sisset Gentium Dea, Urbium Caput Roma, de
alto illo supercilio, à quo Terrarum Orbis pen-
debat, modestiusq; pompas æstimaret suas, si
non tantum tot millia Camelorum, sed (quod
nunquam alias) ipsas etiam Lunas Turcicas,
Tuo vidisset in triumpho, Regum Fortunatis-
sime; alios tot tantosq; Otthomanici Martis
greges, non memoro, unum exclamare libet:
quan-

quantum illud bellum esse debuit, quod à tot
ferebatur belluis, tot tantisq; machinis aleba-
tur ad Victoriā! Quanta Tui vis animi, cui
tot triumphorum apparatus impar fuit Regum
fortissime.

Ne verò superi, tam Sanctæ pro Aris Vi-
ctoriæ, desiderarent nuntios, nonnulli ex acie
tota, vitaq; in cælum abiērunt. Et hi, quod
in tam gravi gloriæ immortalis puncto excede-
rent, desiderari se à Posteris gravissimè vetuerunt.

Alcis Oriens incluserat vallis Victoriā ne
transiret; sed alas illi Polonæ Germanæq; A-
quilæ addidisti, ut evoleret. Fabulam Orbis
credidisset, tot annorum apparatus, aliquot
horis dissipari potuisse; nisi Tu immortalem
fecisses historiam. Quasdam Numinis vices ge-
ris, Regum Optime; quæ dicis, agis. Dixisti
cessurum Tibi Hostem, cessit alius ex Castris,
è vivis alius. Divina vox mundum fecit, Au-
striam servavit Tua. Cælestibus addidisti fi-
dem Oraculis, palamque jam est hodie, quod
etiam Urbium intacta Virgo Vienna, JOAN-
NIS tutelæ debebatur. Palam, quod JOAN-
NE quoq; III. Major nō surrexit. Sed parum est,
quod alios superes, cum Te quoque ipsum vin-
cas Regum Maxime. Major est JOANNES
III. Rege, Major JOANNE TERTIUS. Inje-
cit Xerxes frenum fluctibus ad Hellespontum,
ad Tyrum Macedo, Ludovicus decimus ter-
tius ad Rupellam, sed ignoscere Terrarum

Domini, minùs est Nepruno pontem injicere,
mari frenum imponere, quàm Orienti.

Captos deinde in prælio Barbaros, quàm
Illibatè, quia sanctè habuisti? Nihil illis ex
pristinæ fortunæ magnificentia defuit, præter
arma. Ita omnia mæroris occupabas spatia,
ut minimum tristitiæ locum relinqueres. Etiã
atratos illos vultus inaudita gentis suæ clade,
non patiebaris funestari. Quasi ad Clemen-
tissimi Principis spectaret Victoriã, etiã tri-
stes captivorum curas Hostium, expugnare.
Mutant secundæ res animam, & nihil ita
mortalibus arduum, quàm summæ fortunæ
modum ponere. Tu ingressus Viennam, in-
gressus Urbem, Orbe major, laudabas Szterem-
bergianæ fidei fortitudinisq; prodigia, nescie-
bas Tua; quasi non Imperatoris vices in illo
prælio, sed militis implevisses, omnia Te fora,
omnes viæ, ædes omnes, templa, Liberatorem
Urbis & Austriæ conclamabant. Tu interim
Leopoldi Augusti Nomina, Tu illius Sanctimo-
niam, Tu felicitatem Imperiï, Tu Heròes il-
lius celebrabas. Ad Urbem Te, non ad Tri-
umphum venissè monuisti. Liceat hic mihi
Tuum Regem Fortunatissime interpellare fa-
stigium: Quæ unquam fortitudinis prodigia?
quæ munera Fortunæ? quæ dona Superùm?
quæ Victoriæ? qui triumphi Tuam corruppe-
re poterunt modestiam? si fusus fugatusq; O-
riens, si capta Turcarum Castra, si Vienna Ho-
stibus

stibus erepta, hoc unum à Te elicit, ut palam
diceres: minùs Te adhuc fecisse iùs, quæ Rei-
publicæ Orthodoxæ securitati, quæ Augustissi-
mi Leopoldi Gloriæ, quæ illorum populorum
felicitati destinasti. Geminat tamen plausus
modestia Tua, cum ita se inclinat, ut de ipsa
inaudita hujus Victoriæ triumphet invidia:
Nemo enim audet mortalium eam invidere
Victori gloriam, quam ipse, tanquam suo im-
parem voto, dissimulat aut spernit. Vidimus
tamen adventui Tuo, ipsos etiam Urbis lu-
ctus arrisùsse, vidimus gaudia natâsse in lacry-
mis, vidimus lacrymas effusas in gaudia, vidi-
mus triumphalibus vestigiis impressa oscula, &
felicitatis erat summa, ad manum Regiam sa-
gumq; per confertissima salutantium Populo-
rum agmina pertigisse. Vidimus in ipso in-
gressu laxatis anhelis rimâs mœnia (quasi gran-
de aliquid loqui vellent) aperta. Vidimus
exultantes domos, confertos pompis aditus,
omnes magnitudine lætitiæ laborantes vias.
Non miles tunc sensit vulnera, non Urbis cla-
dem. Rediit omnibus prima facies, quam du-
rissima obsidio & sævior quavis obsidione ti-
mor corruerat. Sux oblitus calamitatis effun-
debatur populus, & tam novæ felicitati suæ,
dubitabat adhuc credere, quam ferebas. Mul-
torum vox illa erat, omnium verò sensus: O
Fortunata Viennæ pericula, quæ tot nobis gau-
dia pepererunt! O diem majore sidere notan-

dum, non gemmâ? Minus Illustres fueramus,
nisi tam vicinum habuissemus Orientem. O
Idus Septembres, quas vobis ætates! quos tri-
umphos? quas pompas conferam: quod enim
spectaculum toto orbe terrarum sol vidit il-
lustrius, Victore Orientis modestissimo! fere-
baris in Urbem, non curru triumphali, sed de-
sideriis, votisq; populorum; non prius ingres-
sus portas, quam animos, tot ædes Regias, Vi-
ennæ habuisti, quot Civium fuerunt corda,
ad quæ, non tam ex Hostium Castris; quam
ex Tuæ fortitudinis theatro redire videbaris:
Jam classica, jam rubæ, conticuerant, Tu cæ-
dem adhuc & funera, & supremam cladem
Turciæ minabar. Jam fora Viennæ testæq;
præteriêras magnus Hospes, & nondum ex-
tinctus erat oculorum ardor, nondum Martiæ
severitas frontis, nondum vultus iras deposu-
erat. Totus eras etiam post Victoriâ in præ-
lio. Saucii tamen pertinacissimô illo bellô Ci-
ves, satis se valere existimabant, si Tuum vi-
dissent vultum, qui vitam Viennæ, salutem
Populis, Gloriam Leopoldo ferebat immortalem.

Deprecabaris plausus, Principum modestis-
sime, vetuisses, si per novi jura Hospitis licu-
isset. Et novum hoc fuit spectaculum, novi
triumphi pompa, Orientem timere Vienna de-
sinerat, & Tuam caput verecundiam formidare,
ne plausibûs læderetur.

Vidimus alios etiam ante bella de statuis,
de ima-

de imaginibus, de palmis, de curribus & Ca-
pitolio cogitâsse. Jam sub malleo siciliæ, jam
Tybur gemebat, jam ferrea manu cogeantur
marmora, ut Victoris imaginem susciperent.
Jam ab ultimo Græciæ littore, Apelles, jam
Praxiteles, ex Ægypto festinabat: Describe-
bantur in Provinciis mancipia, & integri fe-
rarum greges, qui marmor ex Numidia, Ebur
ex India, Æs Corynthô deportarent. Ambi-
tiosissimus Victor jam urbes, jam insulas, jam
regna, triumphî apparatu fatigabat, & non-
dum hostem viderat. Diu arcus, diu Tem-
pla, novos Victoriæ titulos expectabant. Diu
stabant Aræ nullo inscriptæ nomine, diu pal-
lebat aurum: timidum cujus imagini serva-
retur. Dicam simul omnia: legimus alios,
ante Victoriæ olim triumphâsse: Tu Re-
gum modestissime, jam fracto, jam pulso Ho-
ste, Viennam es ingressus, ut caderes ante
Aras, & bellorum Authori optimo Maximo
DEO, pro Victoriâ haberes gratias, non ut
triumphares. Tot Imperatorum vestigiis tri-
tum illud limen adiisti, ut Divo Viennæ Tu-
telari Stephano. Tuam lauream palmasq; de-
dicares, non ut Coronam acciperes triumphæ-
lem. Ita Majestatem Tuam Divinis illis ædi-
bus intulisti, ita Te Cælitum imaginibus ad-
didisti, ut si Te Numæ vidissent Sæcula, u-
num è cælestibus credidissent simulacris, aut
in Suorum Ata Numinum, posuissent. Ni-

mirum parum Tibi est de Homīnibus triumphare, nisi immortale quoq; numen, fortissimis precibus fatiges, atq; vincas. Ita enim caelo supplicas, ita rogas, ut negari Tibi possit nihil. Satis est aliis, Divorum inter pulvinaria à forensium strepitu quiescere. Tu ita Divinis ades altaribus, ut agere Sacra videaris; Ad incredibilem Sanctimoniae famam sufficiat aliis, marmoream (è vero) sui imaginem inter Aras finxisse compositam, & Saxum arte longa, ad reverentiam Numinis, vicesq; suas gravi ferro, crebroq; ictu cœgisse. Dent suum alii fuculis vultum Saxis, & effigiem; sudant sub solidæ Virtutis mendacio, illatae Sacris Altaribus rupes, omnem moveat lapidem simulatio, ut nobis, suæ prohibitatis opinionem persuadeat. Ut diutius in templis stare possint magna nomina, intimè se moveri nesciis imprimant marmoribus. Frigidissima tamen, me Hercule, illa Religio, quam gelidus silex loquitur. Indecorum est, saxeam plus habere pietatis imaginem, quam exemplar. Stare in Templo, cum moveri non possis, magis est devotam tellurem occupare, quam esse pium. Infelix ille cultus, quem æquē homines intendunt atq; saxa. Tu quasi unus ex nobis, humile diu fundebas carmen precesque. Quia verò supra nos eminebas Augusti proceritate corporis, sæpius ante Aras cadebas, ut parem Te nobis posses
[facere.]

facere. Pudebat Regiam non velare Majestatem, ubi Deus velat suam. Meministi etiam, Principes ibi supplicare, non regnare. Ita omnes aeterno cultui vires impenderas, ut Regiæ oblitus videreris Majestatis; jurataq, cælo pietas, exundâsset per oculos, nisi fugientium sanguinem Hostium, triumphasti ferrò, superis maluisses propinare, quàm lacrymas. Ergo Templis digrederis, limen Religionis Tux, non curas mutaturus. Delibatis enim epulis, totam sitim famemq; ad Romanæ Fidei Hostes, ad Orthodoxi Gloriam Imperii, ad nostram securitatem, convertisti. Jam non suo modò, sed totius Orientis mærore, tantum non confectum, & equos subinde mutantem Vezyrum, eò longiùs abstulerat fuga, quò plura in Castris reliquerat. Ingens circa illum ordo militum, sed major fuit suprema metuentium curarum Comitatus: quasi tamen suæ immemor esset calamitatis, infelicem dissimulare vultum, quæ Fortuna fuisset discrimini, non requirere; spem Victorix, quâ ebrius Castris, excesserat, adhuc eructare; negare se victum, si tot triumphorum auctor exercitus viveret. Nihilominus Præfectos Ordinum, & summa militiæ Capita monere: Vigiles ponerent excubias, & non tam corpora curarent sua, quàm belli gloriam. Milites verò qui nihil Castris extulerant, præter vulnera, aut dedecus immortale,

non suis vocare nominibus. Vezyrum; increpare fortunam; quæ amississent, ad calculum revocare: Sed minus erat noctis illius spatium, suis cladibus. Tu verò eò vultu, fugacibus instabas Turcis Parthisq; quò alii Pardos insequuntur, & in apertissimæ mortis faucibus, velut in æternæ pacis fronte lusisti. Si quem tunc, inter Commilitones Tuos Therfiten habuisses, Te semel aspecto in Achillem abire debuisset. Hoc enim unum in acie illa timebas, ne veniam à Te barbarus Hostis peteret, qui pridem mille mortes meruerat. Quare ita feliciter, in vultus illos triumphali Tuorum ferrò impingebas. Regum Fortissime, ut imprimis usum lingvæ adimeres.

Neque casu forteq; evenisse, at cælitus concessum crediderim. & in in favorem Victoriæ Tuæ, Regum Invictissime quòd eodem ipso vespere, quò cladem illam Orbi Christiano triumphalem, parraveras, magna nitrati pulveris pars conflagraverit. Nimirum Poloni militis ardor, ita omnes Hostium vires irasq; averfari debuit, ut ne pulverem quidem Turcicum, in vicinia pati posset, totam suam securitatem, non in Barbaræ fiduciæ apparatu; sed in Te uno reponebat; satis ad Orbis tutelam universi, fore munimenti arbitratus, JOANNEM III. Solennem ergo Tibi pyram, qua poterat arte ipse ille Ottomanici Martis æstus instruebat, scintillabatq; acrius

acrius erumpens in triumphum ignis, tacitas
testatus iras, quod in auras, & non in Tuos
abirer Hostes. Erigebat se se, & sideribus
æquabat, superba Victore suo flamma, &
erescibat, illustrium operum Tuorum luce,
addita aut potius recreata.

Heroicam virtutem Tuam cum Austria-
cus Orbis non caperet; in Ungariam abiisti.
Quacunq; verò per memores tantorum ope-
rum Urbes equitabas, extemplo datò veluti
signò convelli tecta omnia, effuso populus
cursu contendere, unum salutare omnes, uni
omnium annos ætatesq; precari, pro fuis fu-
gatisq; hostibus, illas habere gratias, & sita
sinceros plausus, atq; si Castra illa, unà Te-
cum singuli expugnassent. Nova nobilitate
donabas Oppida, quæ nunquam Sæculorum
memoriam, nunquam stylum, nunquam ca-
lamus nossent Oratorum, nisi Te Hospitem
habuissent. Stetissent ignota ætatibus, nisi
illis perennitatem, cum immortalibus, Tuo-
rum vestigiis, impressisses.

Viarum fessi asperitatibus, Heroum animi,
ipsa etiam corpora exuebant. Tu Regum
Fortissime, tota illa tempestate, nescio an bal-
theum sagumq; semel posueris. Aureus se-
curitatis nostræ amor, ferream etiam tunicam,
ita Tibi levem reddiderat, ut nihil humeris
Tuis sentire incumbere, nisi salutem Popu-
lorum. Extinguebantur noctes, dies accen-
deban-

debantur, Sol sideraq; labebantur, iterumq;
redibant, ut Te viderent, positis aliquando
belli curis quiescentem.

Tu verò, noctu, magni cujusdam sideris
more, effusa oculorum luce ridebas Hostem,
die verò FULMINIS instar procul agebas Ge-
tam, Bessum terrebas. Tacitus interdum na-
turam accusabas, quòd Te centoculò oculatio-
nem Argò non fecisset, ut pluribùs pro nobis
posses oculis excubare; nos interea quasi æter-
nam quietem, Tuis securi periculis utraq;
admittebamus aure.

Toto deinde itinere mensæ Tuæ frugali-
tas quanta! tam difficile est mihi dicere, quàm
Tibi facile fuit experiri. Principis Fortunæ
moderationem, hoc est virtutem, quàm voca-
mus auream, vix in Te procul spectârunt,
vilescere sibi experunt Ungariæ montes au-
rei, Regias inter dapes nullius experiebaris
rei gustum nisi Victoriæ; detrahebas Tibi, ut
plura famescenti militiæ largireris, & tum
dum satiabaris, cùm indigentium expleres
famem, sitim extingveres; Faciebas, ut cala-
mitatem bellorum nemo sentiret, præter Ho-
stem: quòd Commilitonibus deesse viderat,
ferre apud se non poterat mensa Tua. Ita
ferebas Sortem alienam, ut quicunq; illam
spectâisset ex miseris, indigentiam suam ap-
pellâisset felicem, cujus pars aliqua inter libe-
ros Regis amores locum habuit. Nobilitabas
illo-

illorum indigentiam, quando illam Principes
inter cupedias censuisti, vixque interdum fe-
rendam militum Tuorum inopiam, Tuæ mo-
derationis exemplò levem faciebas, facilem-
que. O triclinium! dicam verius, O Sacra-
rium virtutis Serenissimæ! O dignum, de sua
Fortuna triumphante Rege, Capitolium.

Ita demum omnia terrarum locorumq; e-
metiebaris spatia, ut per omnium Populorum
gaudia, per ora Patrum, per omnium corda
Civium, inter acclamantium vota, inter gra-
tulantium carmina, plaususq; ubiq; incedenti
quotidie esset triumphandum. Desisses tan-
dem ventosa Babylon, Tuos illos Hortos Pen-
siles, non tam efferre, quàm jactare, si tot u-
bique Palmas, si tot Laureas JOANNI III.
vidisses imminere.

Sæpè ut publicæ de Te lætitiæ modum
poneres, diu persuadere debuisti, quòd non
solus vicisses sed, omnium Austriæ Ungariæq;
Civium amores Tecum in prælium descen-
dissent, nisi enim obviæ Victori Urbes, plausus
& lætitiæ temperassent, dubitabas, an plura
reduci præstari possent.

Fortissimi Tui commilitones, æstivo cir-
cumventi sole, ita sudabant, ut inter fugi-
entis Hostis odia, diffuere omnes crederentur,
Tu tamen, quantumvis tot curarum mole &
corporis Majestate gravis, calentissimo in Im-
perium Patriamque amore adeò flagrabas, ut
ipsos

ipſos etiam, ſolitò fervidiores illius cæli So-
les in Tuæ admirationem fortitudinis accen-
deres. Œſtiva ſidera, Tuo intendebant ardo-
re radios; mirumque erat, in illis incredibili
æſtu laborantibus ſive animis, ſive Regioni-
bus, altam ſitim quietis extingvi potuiſſe;
quaſi fortitudinis aura Tuæ, novas in dies in
omnium cordibus aleret belli faces.

Inter buſta tumuloſque quaſi inter tro-
phæa; inter graveſcentia cæſorum cadavera
corporum, quaſi in Horto Hesperidum, aut
Campis Elyſiis verſabar. Færæ ipſæ, horre-
bant obvias ubique tantarum calcare anima-
rum exuvias, & in vultus Barbaros impinge-
re, qui minas adhuc & iras ſpirabant poſt
animam. Tu iter celarabas quaſi ad trium-
phum, non ad pericula feſtinâſſes. Majus
eſſe Turcarum Imperium quàm robur, Bar-
baros, plures Victorias, quàm prælia nume-
rare, viresque illis, minores eſſe viris inquie-
bas. Illis demum ipſis paſſim jacentis Auriæ
buſtis pyriſque villarum, quæ adhuc fuma-
bant Commilitiones Tuos accendebas in prælia.

Jam, per quot discrimina Strigonium peti-
iſti Regum Inviſtiſſime, ut palàm faceres He-
roibus Tuis, omni triumphò ſecurius eſſe pe-
riculum, in quod ipſe etiam vocatur, DEUS,
pro Cujus Religione dimicatur. Non ita ta-
men Tuæ, quàm noſtræ ſervare Te felicitati
voluisti; eò quòd nondum omnes de Hoſti-
bus

bus Victórias, nondum triumphos omnes, nondum spes de Te mortalium absolveras. Incipiunt adhuc, sibi grandiores à Te polliceri Victórias, postquam tot tantaq; istius belli discrimina, ne dicam mortem ipsam superásti. Mensuram habeas Fortunæ nostræ, quòd tantum ex Tuis periculis discrimen adieramus, quantum ex salute Tua gloriæ, sumus consecuti.

Permisére quidem superi, Gregario Tuo militi, non nihil insultare manus Barbaris; gloriosiore olim triumphum polliciti, si deinde à paucioribus, de tam superbo Hoste referretur. Potuit, potuit nobis Byſton, aliquot cohortes eripere, non animos: quanquam & illos qui tunc occubuerunt, non tam cecidisse crediderim, quàm ideo gravia exuisse corpora, ut caſorum animas Hostium, celerius ipsos etiam persequerentur ad inferos. Attigimus enim verò votorum summam: Spes de Te nostras, eventus ut altiùs efferret, distulerat: in Parkanenſibus enim campis eò nobiliores, quò difficiliore laureas decerpſti.

Opposuit aciem Barbarus, nuperrimo ex nostris excubiis successu, supra modum tumidam, quæ acceptò belli classico, ita pertinaciter instabat, ut cum immortalibus pugnare nos Heroibus, initio crederemus. Affuso hinc inde cruore Danubius, jam in Rubiconem abiérat, Hostis tamen adhuc, ne quidem

erubuerat. Omnem illi frontem ademerant
vulnera, toties repetita; belluarumque more,
vilo Sangvine implacabilius saeviebat. Lapi-
tharum, Centaurorumq; ritu, præcipitabat se
in tela, quasi mori quæreret, & vivere jam
puderet. Implebantur arva cædibûs, litto-
raq; & pons ipse, veluti servitutem suam
intelligeret, majora viribûs dedignatus pon-
dera, caput effugere fugientes, deducereq;
ad orcum, non ad arcem. Interim Tuæ glo-
riæ campo vicinus Danubius, feliciter elusas
Hostium iras fractasq; non Sibilis (quod aliis
satis foret ad plausum) sed plenîs fluctibûs
explodebat. Et quanquam ingentium acer-
vîs cadaverum gravata, indignabatur Thetis,
postquam tamen ad se rediit composuitque
iras, quas à se pugnante didicerat, leniter
allabebatur littori, quasi oscula telluri impri-
meret, quæ Tuam sustinuit gloriam, tan-
tamq; cladem Orientis. Quia verò fædi illi
Turcarum manes, qui undarum supercilium
mole sua extulerant, ad inferos festinabant,
& interim sinè lege, hausto cruore fluctus
ebrii cadebant, non tam fluebat, quàm toto
lacrymabatur flumine Danubius, quòd aliis
non posset surgere, & in arva illa excurrere,
quibus tantum sudoris affuderat præliando.
In Tagum, credo, Gangemq; abiisset illud
Austriæ Ungariæq; vadum, si omnes gemmas,
quas Heroicus Martiæ frontis ardor sudorque
pepe-

pepererat, collegisset; sed pigrum vitreumq;
elementum invidi solis radii prævenerunt.
Puro nihilominus spumarum suarum volumi-
ne, mutum quantumvis & animâ carens flu-
men, candidum ad plures Victorias calculum,
aut porrigere, aut elaborare Tibi videbatur.
Exutò barbaris Civibus Patkanô, arx ipsa
muriq; Strigonii, ipso tantæ cladis spectaculô
panè corruerant. Tu verò Bystronum terri-
biles illas visu formas, quasi ad fumosas peren-
nis gloriæ Tuæ Imagines festinabas.

Non prius tamen Strigonium, expugnâsti,
quàm corda, supremi Arcis Præfecti literæ,
Tuo inscriptæ nomini, palam loquuntur:
quòd non modò tanquam ad Victorem, Ho-
stes, sed etiam quasi Filii ad Patrem pro-
perâssent.

Tu porro vel concessâ vultûs majestate,
vel insolita de Clementissimo Victore lætitia,
interceptas venientium Populorum voces, illo
præveniebas sermone, ut singuli mentem
suam à Te crederent prius intelligi. Et
quanquam expugnationem illam facile Tibi
fuit adornare. Pudebat tamen omnes, diu-
tius Tibi sua tecta defendisse, qui pridem
omnium corda merebaris. Cum prius ab eis
elicuisti lacrymas, quàm dum expugnares, om-
nes Tuæ gloriæ volebant militare, omnes Tuas
Aquilas & signa sequi.

Ipsi etiam Hostes, à sua feritate Clemen-
tix

tia Tuae beneficium aestimabant, tantumque jam profeceras, ut securius posses in illorum manibus, quam alii Principes in suorum adibus subditorum quiescere. Habebant enim ingens Barbari vel in adversa sua sorte solatium; Victoris benevolentia minuebat victi ignominiam: & cessisse ibi, quem tot laurea decorarunt, magnum fuit vulneris quantumvis acerbissimi remedium. Cum alii Commilitones, non arcibus modo murisque, sed vitâ etiam exuendum Hostem syaderent, ne virus, viresque colligeret, Tu cum Julio Cesare, perinde de Hoste, ac de ægroto cogitabas; rudemq; medicum illum dicebas, qui contra morbos, nullam aliam novit medicinam, nisi ferrum, & ignes. Constare Barbaris etiam voluisti, Te tranquillitatem Imperii quæsisse, non duram illorum servitutem.

Quæ ergo illa, boni Superi! redeuntis Strigoniôl pompa fuit, reportabant alii opimas de subactis Hostibus exuvias, & tantum non ipsi edomiti Orientis radiis, Galeas thoracesque suos induebant, alii captorum in acie calamitate Hostium, crudelem oculis adferre voluptatem laborabant. Aliena ipsis mala cladesq; ultimæ in plausus ibant, tota pompa lacrymis gemituq; constabat, nec spectari poterat sine dolore, triumphus ille, in quo lingultus Hostium, clarius, quam festivæ Civium voces personabant: Hostis Victorem sequebatur

batur currum, sagô exutus, & solo indutus o-
diô, ac rabie immortalî. Tuus ab arce illa
Urbeque relictus, nullo luctûs confiniô læde-
batur; ipsi Tibi Thraces, qui Te ultro seque-
bantur, acclammabant. Ita omnes amore
Tui indueras, ut ab intimis difficilè dignosci
possent. Unum illud Tuum omnibus retro
ætatibus invidendum fuit spoliû, nihil prius
de Hostibus præter affectus optimos retulisse.
Diu interrogare debuimus, ut quis unum se ex
Hostibus Tuis diceret; omnes se non magis
armis Tuis; quàm amore captos narrabant;
iterumq; nobis in ipso pacis otio, acre cum Ho-
stibus certamen erat, ut se bellô victos fateren-
tur. Nimirum ille es Regum Clementissime,
cui jure belli, ipse quoque Annibal libentiùs
cessisset. quàm Scipioni, & inter multa egregia,
non in ultimis decorum suorum numerâset,
si à Te tot insigni Victoriis, pacem petiisset.
Turpe enim hucusq; credis, Perseum & Jugur-
tham in Romano carcere periisse; procul esse
vis à Regio pectore vastas & inexorabiles iras,
humanæ imbecillitati multa, plura affectui,
omnia condonas pænitentia; servas etiam in-
vitos, neque illos audis, qui perire volunt.
Quoties excusabas Hostem? quoties illum su-
perba pessumdeditse consilia, huic errorem im-
posuisse, illi nimiam fortunam pro culpa esse
inquiabas? quoties dicebas: ne belluas quidem
generosiores scire in supplicem. Iniquum
D. Tibi

Tibi videbatur, quàm Fortuna dedit facultatem, in illorum consumere supplicio, quos paulò ante in amplissimo statu videras. Quare ut discat habenas pati victus Hostis, mollius illas involvis, facisque ut effera quantumvis barbaries, frænum ipsum nescio quò Clementiæ Tuæ melle delinitum, inter delicias suas numeret, parumq; Tibi est ferrò vincere, nisi animos quoque expugnes benevolentia. Male (inquis) fessor verberibus urger equum, quem umbra virgæ in omnem partem flectit; Soli plerumq; ursi non solent, nisi sub fuste mitescere, homo verò fit fera, si crudeliùs feriat.

Fortior est omni compede, blanda manus.

Omnes proinde Augusto aspectu recreas, supercilio terre neminem, ornat gravitatem color purpureus, sed specie verecundiæ, habitus, neque ostentat Principem, neque nos spernit. Ita frontis Majestatem sustentat modestia, ut Regem cum privato concilies; ad hoc sumis purpuram, ut illà ceu spongia tute-
lari, pavidum abstergas pudorem populorum, Tuos affatus ambientium, & hæc tunc Tibi rubet augustius cum pluribus ademit Tecum loquendi verecundiam. Versaris nobiscum humanissimè, & magnitudinis servitutem existimas, non posse quandoq; fieri minorem. Toto ergo illo, quod Victore passu consecrabas terrarum spatio, nemo erat ex orthodoxis qui

Te in

Te in omnes casus non vellet sequi nisi Tu omnes tam procul à periculis esse, quam ipse prope eras, maluisses. Omnes, finibus excellentem cum jam oculis non possent attingere, votis & pronis affectibus seq̃ebantur. Et Ungaræ ibi vineæ florebant uberius, ubi diutius desudasti. Si Te Pannoniæ, quantumvis gelidissima intulisset anni portio, Tui nihilominus amore victa, floruisset, vernassent prata, risisset ubique tellus vere novo. Sidus enim quoddam insoliti temporis auspex credebarris: & quantumvis inflari sæpius horrentem jubebas tubam, graviusq; pulsari tympana, Populus suas aures velut ad Cytharam arrigebat. Profecto in tale posteris exemplum ibis, ut Te imitari velint omnes, possint pauci.

Quæ verò illa SERENISSIMÆ CONJUGIS Tux, in nostram felicitatem conspirat o? Tu armis Lunam Turcicam feris, illa domi Cælum precibus fatigabat, DEO dicatas ædes adibat, Sacra mysteria sæpius usurpabat, incedebat veste lugubri, quasi Hostibus Tuis parentaret, in solitudinem Aula transierat aut templum. Tu Hostes persequeris, illa pompas, ludos, otia, Tu sudorem pro Patria, Tu Sangvinem fundebas, illa pro Te lacrymas, Tu de subjectis Thracibus & crube barbaro, illa de mundo muliebri deliciis triumphabat. Nihil erat in triclinio, nihil in vestitu, nihil in palatio ad pompam, nihil ad ostentationem,

omnia tamen ad prodigium. Ornabatur Regia non tam aulæis, quam aureis moribûs Aulicorum, implebantur atria non diffluentibûs ceris, sed solidis virtutum imaginibûs, & spectantis Regni admiratione: Ne parietibus quidem ipsis, plus solito superbire, ornariq; licuit modestissimæ Principis in conspectu. Procul aberant frequentiora, longioraque Procerum alloquia; à quibus perinde, atq; à se Regem desiderari sentiebat. Nihil admittebat solatii, nihil pietatis præteribat, quasi unâ Tecum in discrimine, non in palatio versaretur, quotiesque fortunæ suæ compellabatur titulis, plus ruboris vidimus in vultu; quam olim in Purpura. Geminâsti ergo, uno bello prodigia REX POLONIARUM TER MAXIME, & Rempublicam securiorem, & simul aulam tot titulis Sanctiorem. Nisi tanta exempla Reipublicæ orthodoxæ, ævoque nostro servâssent superi, habuisset Numa quod à serenissimæ Principis nostræ Aula disceret, Trajanus quod imitaretur vidisset, quod miraretur, invenisset Augustus. Prioribus enim majorum ætatibus, in aulæ lubrico solidæ virtutis exprimere vestigium vix licebat. Etiam prona in ruinam virtus, ad profundam Majestatis Venerationem pertinere censebatur. Procul ædibûs exulabat illis, qui cadere antè solium, vel ipsis moribûs nesciebat. Principum favoribûs tollebantur, quorum probitas humilius se se coronatis Aulæ vi-

læ vitæ inclinavit. Nihil in illorum palatiis illustre, præter aurum, nihil nobile præter gemmas, nihil candidum præter ebur, nihil præter Purpuram vidimus verecundum; lectis sterneretur lapidibus pavementum, ut ipsa quoque hospitem vestigia calcarent verrustatem, quæ superaret. Vivæ Principum Imagines, ceu forent ex Ægyptio marmore, magis placere videbantur, quò plures maculas habuissent. Laborabant parietes, non tam hostilibus armis, quàm invitis Provinciarum vectigalibus, & catenis pedicisque graves populorum. Post sædatos Sangvine civili campos, post maria fraternis aucta cædibus, post attritos, exiliò subditorum scopulos, post infecta criminibus atria, nullus unquam in aula præter Purpuram erubuit. Fumosis scelestorum imaginibus, permixta heroum simulacra horrebant præ foribus. Faciliore aure, ductorum ex Africa Leonum rugitus, sylvestriumq; mugitus ferarum, quàm supplices excipiebantur lacrymæ miserorum: à verbis fides, fronte pudor, legibus honor & veneratio, ab Aula probitas exulabat. Invidere quodammodo ea spectacula superis mortales videbantur, ut virtus in terris incederet trabeata; Serenissima nostra Princeps, ita illam totâ belli tempestate, ad suam Regiam, ita ad Purpuram admittebat, ut se illâ exuerit, Tu in Austria Ungariaque de Turcarum ferocia, illa in Polonia, de omnium sæculorum fa-

ſu triumphabat. Parùm admirarionis habuiſ-
ſet tanta pietas, Religioque tanta, inter Aras,
inter pallentes illos & perpetuis conſectos vi-
giliis, hoc eſt magna ſui parte jam ſepultos.
Aſcetas, aut inter exutos corporibûs ſpiritus:
magnam ſibi enim partem æmulatio, magnam
imitationis ardor vendicaret; poſtquam verò
in aula lubrico ſinè exemplo, ſinè æmulo, ſi-
nè hortatore, dicam ampliùs, tunc cùm Tu
Regum Inviſſime, de omnium Principum
admiratione triumphabas, illa ſe humilibus vul-
gi precibus, illa Templis illa ſupplicibus ubiq;
populis inferebat; hoc omnium ætatum memo-
riam, hoc omnium gentium plauſus, lingvas
Rhetorum calamoſq; hoc omnium vincit ſi-
dem populorum. Jam alii pauciores Sereniſ-
ſimæ Principi virtutes optabant, eò quòd ita
pro Victoriis referret Cælo gratias, quaſi Tuæ
fortitudinis oblita videretur. Singuli tamen
illam laudavimus, quòd non minùs pro Impe-
rii Regniq; ſecuritate, quàm pro Tua ſalute
ſuperos fatigaret.

Sed non hic ſtabit Panegyris Tua, quia
non hic belli gloria, non hic virtus Tua, non
hic ſtetit noſtra felicitas. Ubi Anaxagoras So-
lem pretioſos inter lapides numerare cæpit, Tu
ne non omnem lapidem, ad immortalis glo-
riæ Tuæ Capitolum moviſſe adhuc credereris,
ubiq; locò ſuò movere Orientem voluiſti. Ser-
vatâ Viennâ, pulſo Hoſte, tot tantisq; redditis
DEO

DEO Templis, & ubi Lunæ stabant positis
crucibus, superandum fuit Strigonium, capto
Strigoniô, mutato cædibus Danubiô, præne ere-
ptis barbaræ militiæ Ducibus, expugnanda
fuit Stephanopolis, tantâ celeritate, ut prius
captam se videret, quàm Victorem. Neque
illam Hostibus felicitatem relinquere voluisti,
ut possent gloriari, diu sudasse Polonorum
militem ut vinceret. Sufficiant ergo aliis Pal-
mæ Laurique Victoribus, bellica Tua opera
tanta sunt Regum Fortunatissime, ut integris
Urbibus, ne dicam Orbe toto debeant coronari.

Venis in partem istius gloriæ JACOB
PRINCEPS SERENISSIME, Tibi Coronatum
expugnatae Stephanopolis nomen, tacito au-
guriô certas Coronas pollicetur, quas exemplô
Invictissimi Parentis, prius mereri maluisti,
quàm habere. Nam cui æquius Regum dia-
demata, cui sceptræ dexteræ incumbant
securiûs, quàm Tuæ? Tu primo assultu Ste-
phanopolim, Tu tot annis sub Sacrilega fædi
Machometis Superstitione laborantes Aras, la-
bentesque vindicasti à Sepulchro, ad quod non
tam injuriis temporum, quàm impiorum longâ
indignatione Sacrorum, properabant.

Dubitabant, ævo scelerum fracti parietes,
quam ab arte habuerant, diutius vitam pro-
ducere, nisi illam triumphali Tuâ stitisses dex-
terâ JACOB SERENISSIME. Non unum
Heroico Tuo vultu movisti lapidem, ut ere-

ptæ olim superis ædes, altiùs caput attollerent,
quæ stare jam formidabant. Laborabit qui-
dem res ista, insolitæ novitatis admiratione
apud ætatem posthumam, dicam tamen, quòd
ipsa pænè, muta licèt, tot locis restitutorum
saxa templorum, eloquuntur. Nempe, quòd
nisi jam gravì ferrò calceque, & superimposità
mole starent, in immortale bellici rudimenti
Tui primæq; Victoriæ testimonium, ultro se
montium visceribus eriperent marmora, & ad
æternam Nomiini Tuo molem festinarent, nul-
lumq; sentirent pondus nisi à Tuæ Virtutis pre-
tio. Scilicet ipsas illas graves durasq; rupes,
quibus sacræ nitebantur ædes, innocentia Tuæ
vicisti teneritudine. Non diu Phydia labo-
randum erit, ut triumphales Tibi Victori po-
nat statuas; quia fortissimo humanissimi Prin-
cipis exemplò, etiam marmora ad perpetuam
tanti beneficii erudiuntur memoriam. Quot
lapides, ædes illas à casu erigent, tot Lydios
habebis victoriæ immortalis. Quoties sub mo-
le operis mutæ sudabunt rupes, toties in la-
crymas diffluent, quòd linguam non habeant,
quâ gratiam referre possint, quòd ex barbaris,
feceris Orthodoxas. Obliviscentur plebeia
originis suæ lapides, discentq; ab incolis quos
induxisti, Serenissimi Patris, Tuiq; Nominis
reverentiam. Rebelles olim humeros vestra
impendent gloriæ, imò ipsam superbam quon-
dam frontem, vestris incidi elogiis patientur.

Jam

Jam enim, & ipsi muti quantumvis & sensu carentes parietes, suam quodam modò intelligere fortunam, jam antiquum exuere situm, jam mæstam frontem ponere, jam sentire Victorem, jam lætari, jam barbaram aversari solitudinem, scireq; jam videntur, quòd Domino serviant non Tyranno. Palam est Princeps Serenissime, quid olim nobis, quid Civibus Tuis pollicearis, si Urbes alienas peregrinaq; tecta tot gratiis cumulasti.

A Marte Lechico progenitus, probasti indolem maximis parem bellis: tam diu in Castris versatus, nihil hausisti à militari licentia, nisi audaciam præliandi: tubarum clangore, ac sonitu tympanorum, ad omnia obsurdisti blandimenta voluptatum; à grandioribus belli machinis, perpetuum esse tormentum Hostibus didicisti; ab armorum splendore, Polonæ illustrandæ gloriæ studiò incensus es; ex alienæ verò mortis theatro, curam extulisti gloriæ immortalis. Juventus in Te suum amisit nomen, quia in Heroicam indolem, velut in mare virtutum, ætates omnes influxerunt; morum gravitas Adolescentem & decorabat simul, & negabat. Sola ferè Juvenem esse testabatur modestia; quæ & si ætates omnes exornet, vocari tamen jure potest virtus juvenum, & juvenia virtutum.

Cùm Te Regum Inviictissime majores curæ interciperent, summa erat Heroum felicitas

Prin-

à Principis Filii Tui ore pendere, & in viva
Imagine prototypum admirari. Illius verò
unicum fuit otium, totam belli seriem, casus
eventusq; omnes, suis tabulis monumentisq;
consignare. Ita fiebat ut invictus Parens in
campo, Filius etiam in pagina de Hostibus
triumpharet, ipsoq; illo calamo omnium Se-
culorum scriptores, in suæ dexteræ initiaret
elogia.

Obrepunt lauro cupressi, bustis trophæa
distinguntur. Nullus adhuc exstitit, cujus
prælia nobilium funerum non læderentur con-
finiô.

Ter Centum Fabios abstulit una dies.

Unam Pauli Æmilii Victoriæ, geminæ pro-
lis mors funestavit: Natu majorem in ipso tri-
umpho sinu amisit, minorem extulit triduo
post triumphum. Africanus, partam bellô glo-
riam tristi exiliô & funere inumbravit. Sed
vestra Herôes Maximi busta, quot quot in illo
procubuisse bello, in perennis memoriæ tabu-
las, in trophæa, in immortalis Gloriæ Aras abiê-
runt. Feralis non obruit Te lapis, sed ope-
ruit, Palatine Pomeraniæ Illustrissime Denhof-
fe: non è vivis, sed è terris abiisti: more ma-
gni sideris, non extinctus es, sed occidisti;
Omnium Heroum decora collegeras, quò jam
in acie progredereris non habebas. Timebas
Tibi perire vitam, nisi illam superis & Reli-
gioni red didisses. Neque frustra Tuum divi-
sit à

fit à corpore caput manus barbara; timuit enim ne post mortem etiam pugnaret, si Te integrum invenisses. Invicte semper Modrzejewski, maximi Hostis ense cecidisti: minori telò moveri è terris non poteras. Recisum Tibi caput, ut occumberes; integer nunquam cecidisses. Per partes Te mors aggressa, totum simul aggredi non audebat. Felix Turcia, si ante prælium simile caput habuisset.

Tu verò quem imprimis dicere gestiebam Illustrissime Campi Ductor, præbis in memoria seculorum, vel eò ipso, nomine major omnibus, quòd non in prælio, sed in ipso Victoriæ theatro occubueris. Nimirum postquam omnia egisti pro Patria, ipsam etiam, quæ tam atroci bello supererat, agere animam voluisti: ne quid esset, quòd non egeris. Nemo unquam plus Patriæ dedit, quàm qui sibi nihil reliquit.

Parcite volanti calamo reliqui Heroum Manes, majoribus ævi tabulis vestra servantur nomina. Ego dum tanta magis prætervolo, quàm delibo, elogia, vos studeo imitari, qui nihil in hoc bello perinde, atque moram, estis dedignati.

Sed quò me egistis immortales Heroum manes? ne latum quidem unguem ab illius decet elogiis discedere Principis, qui etiam extra Regnum abiêrat, ut inter arma Hostium publicam Orbi securitatem inveniret. Quamquam Tua quoq; laus ista Regum Fortunatissime

sime, quòd tantò bellò, tamque atroci, tam paucos amiseris. Jactent igitur suos Epaminondas Thebæ, ostendet Xerxes Cyrusque Persia, Lacedæmonii Lyfandros celebrent, Athenæ Themistoclem efferant, Pæni Annibalem, Alexandrum tollant Macedones, memoret Roma Cæsares, miretur Scipiones, suspiciat Augustos, nos JOANNEM III. omnibus præferemus. Jactent alii subactos Reges, deletos exercitus, infecta cædibûs maria, terras humano nantes in sanguine, nos prope trecenta Turcarum millia Te coram fugientia narrabimus. Proferant opima spolia cæteri; fusis detracta Hostibus; nos magni Vezyri tentorium, magnæ urbis capax explicabimus. Numerent illi quot intra annum bella profligârint, Nos Tibi horam satis esse dicemus ad Victoriâ. Gloriantur alii triumphis; Tu Victoriis: dent aliis ambitiosa nomina Regnorum calamitates: illum infelix Asia reddat Asiaticum, hunc domita Carthago faciat Africanum; Te servata Austria AUSTRIACUM LIBERATOREM celebrabit. Alios triumphatæ Gentes fecerint Dacicos, Geticos, Germanicos, Te subactus Oriens, si non invenisset, fecisset, Serenissimum. Cæsar Pompeium, Tu magnum Vezyrum vidisti fugientem.

Ut Fortuna levis, magi quoque terga videret.

Ita nimirum felicitatem nostram moderaris, ut antiqua mala, quantumvis gravissima, leviora jam nobis hodie videantur. Habemus

Te

Te Rege gratiam pertinacissimis etiam Hostibus, qui suis cladibus, tam alte Tuum nostrumque nomen extulerunt, ipsoque cruore suo, immortalitati Tuae velificant. Superbire calamitatibus nostris incipimus non irasci, quas aureis Tuis Consiliis facis pretiosas. Aestimamus extrema Fortunarum nostrarum pericula, eo nomine, quod ingenium Tuum prodant admirationi saeculorum. Funestas licet, sereno tamen vultu excipimus imminentium bellorum minas, quod hostes ipsos Tuae videmus gloriae militare. Nullas Maoticæ paludis, nullas sævæ Propontidis pavemus procellas, quod mentis Tuae illustrent altitudinem, ipsoque decumano suo fluctu, attollant sideribus. Tantam scilicet fama Tua, Hostibus nostris, nobisque fecit reverentiam, ut vel gravissima Fortunæ nostræ amemus odia, quod Tuorum sint materia trophæorum. Sed jam & modestiæ Tuae, & tempori morem gero, Principum Emeritissime. Jam minima nostrorum clade, Hostium damno infinito abstulisti, tot pericula, quæ non armis, sed vel ipsa cogitatione tentare, temerarium nobis videbatur. Vires animumque; ultra mortalium admirationem fortitus, ubi spes omnium desinunt, inde immortalium Operum Tuorum emanant prodigia. Vicisti virtutibus Tuis invidiam, factis admirationem superasti. Abstergit Staius Lacrymas, jamque; interrogare pudet: Quisnam impacata consanguinitate ligavit.

For;

Fortunam invidiamq; DEUS . .

Fuerit proinde aliorum felicitati satis, amari à Civibus; Fortunæ Tuæ, Barbari etiam bene precantur. Audivimus nuper, Getas Turcarum cladibus, quas patrâsti, insultantes, audivimus Hostium Arcus langvescere, nolleq; pharetram parere Domino, quoties in Tuas acies, sua voluit tela jaculari. Diu prius debet cogi furor, diu manus, diu ferrum, ut erumpat eò, ubi Te stare intellexit. Insolita hæc sunt, & non nisi Tua, Regum Fortunatissime, Elogia, supplicem tamen venturæ posteritati tendo hic calamum, ut plura extra paginam suspiciat, quàm legat in folio, tantæ magnitudinis incapace. Nimirum ut imago illa magni Alexandri, fulmen manu tenens, adeò suâ tabulâ superior erat, ut eminere digiti, & manus extra tabulam ardere videretur, ita, secutura posteritas, JOANNEM III. Optimi Principis implevisse noverit imaginem; ut ubi laus erit summa, ibi grandius meritum supra paginæ fastigium cogitet eminere. Collige triumphalem Poloni Martis sudorem Gloria, collige cæsorū sanguinem Hostium, Fulminati Orientis affunde radios, & terminales Regni Columnas inscribe.

JOANNES TERTIUS

ANTIQUÆ FORTITUDINIS PRODIGIUM

EXEMPLUM NOVÆ

Quàm Magnus sit? metire CLYPEO quò trecent-

EUROPA DEFENSA

Seu

PANEGYRICUS

Eidem

IOANNI

TERTIO

POLONIARUM

REGI

Post Expeditionem

Moldavicam, Valachicam


& Budziacensem

Dicatus.

Ejusdem Authoris.

BIBLIOTHECA UNIV.







REX POLONIARUM INVICTISIME.

HActenus urbes alii, alii divites portus
omnes, præter ereptas Provincias, etiam
Europæ spolia oppugnabant, Tu eò vi-
res, eò Poloniæ arma, eò Te ipsum ver-
tisti, ubi fortior hostis, ubi major com-
munitas, ubi insidiarum frequentior
opportunitas, ubi periculi plurimum, prædæ
minimum, otii nihil erat. Eò enim victorem
duxisti exercitum, quò rara ætas præcessit e-
xemplò, sequens nulla. Vicisti ipsæ etiam cæ-
lo minantes scopulos, alpes Moldavicas, Geti-
cas subegisti, irremeabile mortalibus, Mæotis,
Euxiniq; Neptuni limen adivisti, barbaris quoq;
formidandas feris, alitibusve rupes superasti,
furialem insanæ Propontidis, unus sustinisti
tempestatem; latè diffusâ nominis Tui famâ
terrore; excivisti populos, quos superbus O-

riens, non tam in exusta infauſtis ſideribus
plaga, aut in ultima ſolis averſi luce, quàm in
iſtis Orci faucibus, in ſupremum generis huma-
ni ſervabat excidium. Occurrebant ubiq; præ-
ruptæ, acutæq; rupes, pendebant exefa ævô &
quafi uno haufu integros devoratura exerci-
tus antra, ſuæ Hæmus Geticus, apertis anhe-
lus ripis, foſſisq; tam nobili prædæ inhiabat.
Budziacenſes Alpes jam grande quid, diductis
faucibus procul etiam minabantur: jam non
tam ſua mole, quàm tuæ fortitudinis admira-
tione defixæ, & altæ oblitæ ſuperbiæ, in arcus
triumphales ſua culmina victori erigebant,
ſed altius erat majeltatis Tuæ faſtigium, quò,
velut Atlante cælum totius Europæ ſecuritas
nitebatur. Alta Valachiæ, Moldaviæq; flumina,
ſive avata tellus, magnitudinis Tuæ feſſa pōdere,
ſive Erebus, tot barbarorum animabûs auctus,
pœnè omnia exhauſerat; ne haberes quo ingen-
tem illam publicæ felicitatis ſitim relevares.

At enim ſatis Tibi erat Regiæ frontis ſu-
dor, quem triumphalis fundebat galea. Saxea
barbariei viſcera, ita obduruerant, ita omnes
fibras ferri tui metus occupavit tenuitq;, ut ne
fontibus quidem liceret prorumpere. Omnia
elementa expaverunt, ſenſeruntq; & tantum
non intellexerunt victorem ſanguine hoſtium,
non communibûs undis lacrymabant littora,
& erubescendum audaciæ ſcelus concolori lym-
phâ eluebant. Irata victoriis tuis Orientis
aſtra,

centa fregit Turcarum millia, ruentem VI-
ENNAM sustinuit,
PROTEXIT ORBEM.

Illius Elogiis

Cælum in paginam, Terra in theatrum,
aër in voces,
Soles, Astra, Fulmina, in festivos ignes, ma-
ria, flumina, tot animarum aucta spo-
liis, in sepiam.

In Arcus triumphales abeat Empyreum
neceſſe eſt:

ORTHODOXÆ MILITIÆ IMPERATORI
parum eſt

Si non totus Orbis in plauſus eat.
SUSCEPIT POLONIARUM REGNUM
UT POSTERIS MAJUS REDDERET.

Austriam, Moraviam, jam panè captas
liberavit.

Invitam eripuit Hostibus Ungariam
TIMORE VALACHIAM, MOLDAVIAM:
ARMIS THRACIAM, SCYTHIAM
PANNONIAM;

Ukrainam benevolentia:

Orbem vicit admiratione.

Et hæc se feciſſe non meminere
niſi diceremus.

SERVOS DEDIGNATUS

LIBERÆ GENTI præfuit Sapienter ut CA-
THOLICISSIMUS:

bellavit fortiter ut CHRISTIANISSIMUS:

ini.

iniquas armorum causas vitavit ut Augustissimus
de Turcis Getisque triumphavit, ut nemo.

Hac unâ in nos peccavit tarditate:
quod non prius Regni Solio successerit:
Imò Patriam quoque peccare còegit:
nam quò uberiùs illo Regnante gaudebit,
eò fortiùs lenta superùm accusabit beneficia
Et qui gratulari illum nobis debebant
Posterì!
invidebunt.

Heu! quot Sæculorum morâ
Quot annorum invidiâ
Insolita constat gratia!
Vives quidem Regum Maxime
in Auro Phydæ, in Gemmis Lysippi, in
Argento Praxitelis,
non unius Apellis tabulas animabis,
spirabis in animis,
desiderari tamen nunquam desines.
Omnibus locò excusationis erit Victoribus
quòd præcesseris
Quibusvis umbram triumphis faciet
Oriens à Te triumphatus.
Orthodoxis Principibus
durum imposuisti onus Te sequendi
qui à Te ipso didicisti:
!Possè extingvi Orientem.
Si Danubius Istulæ Sacro fædere societur
Jam non erit dubium:
Te ne LECHIA suò sceptrò,

an tu

an Tu magis Patriam Tuò ferro,
Exornaveris.

ibitque in prodigia Sæculorum:
Illa Te fecisse

Quæ nemo etiam à Superis
Auderet flagitare,
Nisi egisses.

Nemo fieri posse credidisset.

Solem à Thyeste aversum fingere Pòetæ
debuerunt ,

NOS LUNAS TURCICAS

Te coram vidimus fugientes.

Si priùs accepisses Regni Diadema ,

non haberes hodie quem vinceret ,

jam quem times , præter Te , habes neminem

Facilius est , orbi bellum inferre , quàm gloriam :

TIBI ex vulneribus Hostium

plùs gloriæ , quàm Sangvinis emanavit.

HORÆ TIBI DABANT VICTORIAS

Quas aliis Sæcula non dederunt.

Quoties Tua bella legent Posterì ,
faciliùs credent ,

Diutiùs Te steterisse in acie
quàm in vitâ ;

HOC EST

Diutiùs vicisse quàm vixisse :

Maximos prioris ævi Bellatores
redivivos nobis facis ,

Ut se minores Te fateantur

E

Post-

Postquam ramen omnes excessistis
minùs adhuc feceras

Nisi nobis Principes Filios
TUI simillimos procreâsset.

HOC EST

Maximis pares Sceptris.

Quòd si verò dicent aliquando Posterì:

JOANNES TERTIUS

Orbis terrarum cùm par esset Imperio,

uni REGNO POLONIÆ præfuit,

Respondebit immortalitas:

GENERI HUMANO

Prodesse maluit

Quàm imperare.



astra, & soles barbariæ inhumani, ita campos
omnes consumpserant, ut ne herbam quidem
reservârint quàm victori populo porrigerent;
sed invictus miles Tuus, ipsîs vitæ discrimini-
bûs, ipsîs periculis, continuisq; præliis, forti-
us ad immortalem gloriam alebatur. & ab ipso
sumebat vires, animumq; ferro. Per tot vi-
ctorias, per tot mortes & funera, ad hostem
properabas, quasi, ut Lunam ex cælo barbaro
deturbares, omnia Tibi prius superanda forent
elementa, quæ in Te ita Otthomanus furor ar-
maverat, ut palam fuerit, quod à Tuo disci-
mine Regum fortissime, totius Europæ pen-
deret salus aut exitium. Si licuisset Patriæ
per tot discrimina, quibus secunda Majestate
insultabas, ad Te perumpere, & triumphali
galeâ armatas aures Tuas mereri, natantes in-
lacrymis voces illius inter tubarum clangores,
& ferales Martis lituos exaudisses. Quod Re-
gum fortissime? quod vita Europæ, quod ruine
exercituum anima? quas plagas ingrederis Re-
gnorum salus? Fons publicæ securitatis ad quæ
littora delaberis? Exusta radicitus herbæ, quæ
Tibi ferta necent victor Magnanime? ad fa-
mam Tui nominis, barbara tellus emortua,
quos fessio militi Polono feret fructus? effugê-
re altis littoribûs flumina; quod pulverem Mar-
tium, quod cruorem Geticum fonte ablues?
Sub cujus arboris umbra triumphale caput re-
clinabis, si quoq; folia arborum, avara Thraciæ

sidera consumpserunt? Metire solis ardores, vix
gregario militi perferendos, immensumq; iter
expende, quod ad gloriam immortalem susce-
pisti; reputa multiplicatas ubiq; ex arte insi-
dias, hostem Parthum, germanum Tartari,
quem sistere difficilius est, quam vincere. No-
bilem Polonæ militiæ florem, in Bessarabiæ a-
ges deserta? prius cum extremo laborantis na-
turæ defectu, cum exhaustis littoribus, cum
sterilibus campis, cum scopulis, cum montibus,
ferisq; quam hominibus pugnaturus. Et hoc
demum est *Regum fortissime*, omnium pericu-
lo fortem esse, omnium securum discriminibus.
O mortali majorem genium! o non humanam
animi magnitudinem! per tot rerum discrimi-
na, per tot terrarum spatia, imperii securita-
tem querere, bellorum fortunæ imperare, in-
sultare casibus, sistere prælia, focos, Aras, liberos,
Patriam, Fortunas à tergo reliquisse, ut & pe-
riculis Tuis, & dolore hostium, Europæ tri-
umphos pareres. Quis unquam Ducum tot
discrimina, non dico sine ingentibus impensis,
sed sine regnorum jactura, sine populorum e-
xitio superavit, quot Tu tanta felicitate emen-
sus, ut palàm sit omnibus, nil in Te belli casu-
bus, nihil fortunæ, nihil licere periculis. Cre-
de calamo, vel si non meretur, crede Famæ
publicæ *Regum fortissime*, tot operum exem-
pla, vix singulæ ætates proferre consueverunt,
quot Tu nobis exhibes quotidie, imò fortitu-
dinis

dinis, fortunæq; tantæ, nulla, nisi in Pœtarum fastis vestigia legimus. Annibalis Cannas in Austria, ad Strygonium Augusti Actium, Ciliciam Alexandri in Ungaria, in Valachia; Moldaviaque, Pharsaliam Cæsaris superasti, hæc verò in Geras, (dicam in hostes generis humani) expeditione Tua, omnium exempla Heroum, omnium bellorum pericula, omnium temporum fidē excessisti. Alios Duces non tantum provocabat hostis, sed insultabat etiam provocatis; nuper ut campum barbarus declinaret & aciem, vix humano adeundis pede, pendebat à jugis: satis sibi ad gloriam cogitans, quod te auderet spectare, sed obversante ubiq; oculis metu, male viderat, quod non homines, virosq; tantum, sed aquilas quoq; sub triumphalibus signis Tuis numeraveris, quæ volucrum fugientium Parthorum tenere possent victoriam. An, ut coram Te lapsu graviore rueret ingens barbarus, in alto castra sua metari debuit? Nimirum ipsam etiam dedignabaris victoriam Rex Fortissime, si facilius occurrisset. Totis quidem se montibus tueri, à Tua manu voluerunt Titanes Thraciæ, sed in Jovem Lechicum inciderunt, præruptas illi semper, & vel in tumultum suum opertas, vel in præcipitium pronas Valachiæ Moldaviæq; Alpes occupabant, ut loci saltem beneficiò, supra Te se efferrent: Tu apertas semper valles, in quibus nihil præter animi Tui magnitudinem eminebat, exerci-

citui Tuo deligebas; illud terrarum spatium,
etiam inter Martios furores amabas, quod acce-
dentibus facilius, hoc est quod Regiæ Tuæ cle-
mentiae aptius videbatur. Etiam Tentorium
Tuum in quo tot victoriarum Parens animus
habitabat, in tumido aut arduo clivo poni ve-
tuisti, ut ibi quoq; de montium superbia tri-
umphares, ubi alius non erat hostis. Minor
ergo semper fuit, vel montium, quibus nite-
batur fastigiis auctus Biston; palam enim erat,
quantum de sua dubitaret fortuna, quam tot
columinibus fulciebat. Ipsâ illâ sublimi fugâ,
qua se efferebat sub sidera, docebat, quod non
videret in terris locum, in quo Tuæ fulmina
dexteræ vitare posset, Regum fortissime ac
fortunatissime. Vicinior quidem ille tum er-
raticis sideribus videbatur; sed Tu propior fuisti
Numini, cujus ille jam manum, jam oculos,
effugere poterat, & malebat triumphis Tuis
locum dare, quàm pugnae: Longiorem daturus
gloriæ Tuæ manum, eò, quod non simul totus
periisset. Dabis veniam Regum Clementissi-
me, quod in primo Panegyris Tuæ limine, tot
ponamus discrimina, quæ post Viennam, Au-
striam, Pannoniam, Podoliam, Ukrainam, Vá-
lachiam, Moldaviam, Thraciam, victore ferro
jam territas, jam toties subjectas, jam vindicatas
duxisti in triumpho. Palam fiat orbi, quantum
ab illis distes victoribus, qui non minùs exuvias
numerare possunt quàm pericula. Hinc ereptas

alii captis urbibus arcas, Odrysiis graves opibus
ostendent populis. & forum in Martis theatro
aperiant; miles Tuus nihil ex supremo hoc
bello retulit, præter arcus Threjicios, præter
fracta pectore scuta, præter inanes pha-
retas, præter cicatrices, præter gloriam im-
mortalem. Et hoc demum Regium, simul de
pertinacissimo humani generis hoste, luxu,
simul de Parthis, Gelonisq; triumphare quos in
orbis excidium sæva Propontis non tam pepe-
rit, quàm exspuit, barbarus furor educavit,
Regnorum funera, cladesq; tamdiu aluerunt.

Ne verò Regum sapientissime, aut temerè
suscepisse tam atrox bellū aut inconsulto Marte,
tanta subiisse pericula, (quantis majora, nec
nostra unquam vidit, nec Patrum superior ex-
pavit ætas) aut sine ordine vicisse, aut casu
triumphasse videaris, rei à te gestæ seriem ag-
gredior. Utinam tamen ego ea felici-
tate narrationem effundam in paginam, qua
Tu nuper tot Thracum millia fudisti in acie;
utinam tantum mihi fidei, Tibi verò amoris
conciliem, quantum tu aspersisti terroris
Orienti: utinam tantum habeat virium vo-
lumen hoc, ad immortalem operum Tuorum
memoriam retinendam, quantum Tu in Va-
lachia campis Getici fregisti roboris, utinam
Flos ille Tauricanæ militiæ, quem in confiniis
Podoliæ Victore ferro messuisti, totus in ser-
mone meo eluceat, satis ad invidiam habebit

Plendoris oratio, si omnes illos belli Duces
Murzasq; hoc est si omnia illa Getici Martis lu-
mina, quæ exstinxisti complectatur, satis col-
liger ad immortalitatem vigoris solium hoc, si
omnes illas, quas e barbaris corporibus exegi-
sti, spirabit animas, emeritum aget triumphum
pagina, si omnia illa sustinebit pericula, qui-
bus tandiu integro exercitu insultasti Rex for-
tissime.

Parce semel Tuis, qui hostibus toties dedi-
sti veniam Regum Clementissime, difficilli-
mam hanc in Parthos Bessosq; expeditionem
Tuam non laudabimus, nam par elogium non
invenimus, sed mirabimur tantum, si ereptas
urbes, si everfas Provincias, si occupatos portus
expugnâsses, materiam Orationibus dedisses,
ut in laudes Tuas alii pleno flumine excurrer-
ent, alii calamis evoharent, sed quia Te non
infusus Patriæ sinibus hostis, non abacti à præ-
donibus Getis, populi, non exportatæ in Tau-
ricam opes, non everfæ urbes, non hostis ar-
mîs, spoliisq; dives, non Regni periculum, à
quo tam longè abfuisti, quàm ab hostibus;
verùm Te Europæ luctantis discrimen & par-
tîm Budæ, tot impensis oppugnatæ pertinacia,
partim fama Imperii, partim dubia, nisi ho-
stem divisisses, colligatarum gentium alea, ex-
tra fines Patriæ, in Scythiæ deserta, à nobis e-
git, prodigii enim verò hæc materia est, non
elogii! Iturus in bellum vel Africanus, vel
Mace-

Macedo, jam optima gentium spolia, jam infimas vires hostium, jam iter facile jam fortes insidias, jam amicos proditores, castrorum Urbiumq; jam breve iter & facile jam plana; omnia proponebat, ut militem suum e sinu Patriæ, alium educeret, extraheret alium, Tu Regum fortissime, ne homines imitari videreris, non aliter, quam si prius & de parato triumpho, & de certo militiæ Tux apparatu, ac servato exercitu, arcanum cum superis consilium habuisses, inverso retroactæ antiquitatis ordine, ut commilitones Tuos ad arma Socialia excitares, cum illo hoste rem tibi fore dicebas, cui nihil eripi posset præter vitam, qui mortem in bello, inter præmia victoriæ numeraret, qui fortiùs suos arcus quam clavam Herculis retineret, ad quem discrimina mille, per stratos cadaveribus populorum non frugibus campos, per manes Civium & funera, per ingentia exercituum busta, per Ducum immanes tumulos, per aridas inanium litorum rupes, per exhausta flumina, quorum ne in literis quidem vestigia legimus, per attritos infamè exiliò scopulos, per lividas humano cruore Valachiæ Maldaviæq; Alpes, ne dicam humano sanguine eluctandum. Quis tamen ille fuit Poloni militis, cum in bellum hoc scriberetur apparatus? quis ardor? quæ tantæ gloriæ sitis? quæ auguria? quæ lætitia? quasi non in scythiâ, sed ad Capitolium properaret

raret. Ipse illæ tot jam victoriarum, testes
belluæ, Cameli, Equiq; non ita tunc arma vi-
ros & imminentis belli nervum? quàm trium-
phalis cujusdam pompæ apparatus & paratas
Thracibus mottes erectis portare cervicibûs &
solito lætiore fronte portendere clades hosti-
um, ac frequentiore hinnitu, victoriam nobis
nuntiare videbantur. Nemo proinde jam de
suo periculo, nemo de arduis viarum, de anno-
næ difficultatibus nemo, omnes à Tuo nutu
pendere, à quo salus Europæ, à quo tot popu-
lorum fortuna pendebat aut periculum. Omnes
de avertendis à Buda suppetiis, omnes de aver-
tendo orientis consilio, omnes de prælio, de
sanguine, de morte hostium, omnes de gloria
imortali, nemo de præda cogitare, omnes in-
ter suprema triumphi spolia, aperta pericula
vulneraq; sua, imò ipsas etiam mortes com-
putare: omnes in Tua fortuna salutem, omnes
in suo ferro, belli nervum gazasq; ponere.
Ibant centuriatæ legiones, ibat Triumphale
hastatorum agmen, imò exultantibus Aqu-
ilis provolabat, quò tot præliorum Duce, tot vi-
ctoriarū Auctore præibas exemplò. Nemini par-
ta tot præliis gloriæ satietas occurrebat, omnes
ad tubam, omnes ad galeam, ad imperatoriam
clavam, omnes ad clypeum tuum tot trium-
phorum imaginibûs insignem festinare. Nemo
Penates, nemo aras Patriæ, nemo focos, nemo
Parentes, nemo liberos, nemo fortunas, præ-
ter

ter vultum tuum, quò serenabas, animabasq;
omnia, & illam quam ferro devoveras desti-
nârasq; Thraciam respicere, cogitare, deperire.
Scilicet difficillimæ omnium antè Regum Du-
cumq; expeditiones, solam Oratorum laudem,
Tuæ verò generis humani merentur admira-
tionem. Occurrit Tibi in itinere Podolii Mar-
tis Regia, limen olim securitatis farmaticæ, &
Odrisiæ scopulus potentia, Camenecum. Quid
egisti, imò quid non egisti Regum prudentis-
sime? ne in duram illam humanarum virium
Syrtem, aut temerè impingeres, aut non sa-
pientissimè præterires. Ne aspectu quidem,
quem leones etiã minorib; feris sæpe negabant,
dignari illam voluisti, ne à vultu Tuo, vel,
vincere hostis disceret, vel triumphare. An
ut integerrimam liberiori olim fortunæ serva-
res urbem, nullum in illam telum præter u-
num illud (dicam durissimum) famem nimi-
rum, ita fortiter ac acutè torristi, ut & divisas
hostium vires, ceu in alto quodam carcere ser-
vares diutiùs & vota vinceret Orientis, qui ni-
hil habet antiquius, quàm ut ab urbe illa ab-
solvatur habeatq; barbara superbia rationem
fociandi Camenecensia arma: jam contra leo-
nem Venetum, jam contra Romani Aquilam
Imperii. In primo enim belli tui hujus limine,
vicisti Regum perpicacissime spem imprimis
Europæ, vicisti vota Orientis, vicisti mortali-
um expectationem, quando ita ferire Came-
necen-

necenses voluisti, ut diutius mori possent. Accendisti finitimos urbi campos, exstinxisti superbis hostibus non minus vitæ spem, quam victoriæ. Ardebat ubiq: adulta Ceres, & illo-
met ipso igne, fortunæ suæ arridebat, quod non plebeia falce, sed triumphali JOANNIS
III. manu legeretur. Tanti nobilitate fati erectæ segetes, tendebat cælo capita, & quasi exultabant, quod non barbarorum gulæ fami-
que, sed Tuæ inciperent servire tandem gloriæ, Regum maxime. Exspirabant non sinè quodam lætitiæ sensu uberes culmi, suosq; manipulos inter bonæ frugis acervos numerabant, quod vel ipso suo casu barbarorum avaritiam prosternerent. Triumphalis flamma latè spargebat fumum, qui lachrymas hostibus eliceret, & devotis orco victimis, atra illa suæ fuliginis nube proluderet. Inter alta ubertatis illius incendia, relucebant jam, quæ Te à fronte expectabant. Victoriæ, patebatque quantum, sibi à Te meritò timerent homines-
qui Cererem ipsam, quæ inter Numina numeratur, ad rogam & pyram condemnasti. Ac ideo pepercisti cum urbe barbaris, Regum optime, ut sanctiores, faceres, quàm inveneras, doceresq; ad parsimoniæ leges vivere adempta Cerere, quæ tot sceleribus tamdiu ferebat alimenta. Nunquam enim deinde (si publicæ famæ fidem damus) accubuerant mensis Bistones, quin temperantiæ meminissent,

sent, cujus antea etiam nomen ignorabant
Dicam amplius, non tumulis modò telluriq; sed
avaro etiam orco fecisti beneficium, eò quòd
plures jam capere possit barbaros, quia imma-
ni corporum suorum mole cadentes, pluribus
hactenus negare locum videbantur. Arserunt
ergo non magis injecto igne, quàm tanti ope-
ris amore, Podoliæ campi, & unà cum exustis
frugibus fumoq; alto, inserti nubibus, primam
se victoriam pro felici Tuarum cursu victoria-
rum sideribus nuntiârunt, non est, Regum.
fortissime, cur Saturno inideas messes aureas,
quas ad solius avaritiæ alimentum crevisse fabu-
la est, pretiosior est seges hæc Tua, quam ad
publicæ securitatis palatum messuisti. Si rursus
Dii, quod olim antiquitas commenta est; pu-
blicum instaurarent convivium, non aliam suis
inferrent mensis Cererem. Dicam quod sen-
tio; minus jam est hodie, quòd inter Xerxis vin-
cula Neptunus, inter Tyri catenas Hercules
censeatur, quando inter JOANNIS III. hostias,
tantum Cereris Numen numeratur. Vis scire,
quem viceris Regum fortissime, quando Mar-
tialibus Cererem flammis addixisti? Vicisti fi-
duciam hostium, quæ non ad delicias tantum,
sed ad luxum quoq; tamdiu alebatur. Vicisti
altam spem Orientis, quæ unà cum frugibus
illis crescebat, vires furoris barbari subruisti,
finitimi populi Societatem præcidisti, fecistiq;
ut mitior sit fera hæc, dira fame omnes nervos
inti-

intimè populante, quos in Europæ jugulum intende-
bat. Et hoc est absentem etiam proster-
nere, claudere vaginâ mucronem, & tamen de
barbaris triumphare, non fuso sanguine lauros
colligere, lenta morte hostem perdere, & ser-
vare urbem ad exitum orientis. Et jam satis
fuisset aliis omnibus ad gloriam, ad prodigium
satis, satis ad exemplum sæculorum, si eo exi-
tu, bellum terminassent, quo inchoasti, sed Ti-
bi uni parum erat Regum maxime. Ivisti ultra,
quò Te ingens nominis fama, quò gentis glo-
ria, pluribûs aucta discriminibûs quàm spo-
liis, quò Tuorum Ducum studia, quò Poloni
militis ardor, quò excutientis barbariæ jugum,
Europæ labore vocabat. Netamen interim ul-
lum gradum sinè victoria faceres, peritas ordi-
nasti in Podoliæ sylvis insidias, ut erumpentes
Camenecô Centurias, sub iisdem arboribus ster-
nerent, quas ad focum domesticum, gelidus
Thracum metus eruebat. Et respondit Mar-
tis eventus, non tam è voto quam ex Tuo Im-
perio, capti mille currus, cæsi bis mille viri, o-
mnes cedere ex vita prius, quàm ex campo pa-
rati, juga bouum abacta toridem, & tantum,
non portæ urbis illius occupatæ: idq; ideo quia
vetuisti tot scelerum reum hostem simul cædi,
ut sæpius audaciæ suæ pœnas lueret. Armavit
olim galeis quosdam Præmislaus truncos, stipi-
tesq; cum viri deessent, ut hostem vinceret.
Tu omnem illam quanta fuit, sylvam, in exi-
tium

tium barbariæ instruxisti, ut palam foret, non
esse in Regno Tuo arborem, quæ in trophæ-
um tibi, quoties imperas, abire, vel nolit, vel
non possit. Docuisti satis Polono esse Principi
ad orientis cladem, suas in illum sylvas ordi-
nare, sed non hic stetit gloriæ Tuæ meta, à
sylvarum nemorumq; strage, cladem Thraciæ
auspicatus es. Fuit interim non nemo, qui, ne
ille ipse sanguis, quò ferrum imbueras, sinè
tanti operis memoria efflueret, truncis hostium,
sublime triumphalis illius sylvæ limen, an por-
tum inscripsit.

Nulla tam cæca sylva est,
Quæ Numina terrarum non respiciat:
Et hos, quos miraris,

Cave, ne inanes truncos credas?

Trophæa sunt,
JOANNIS TERTII

Post Reges Natos Maximi
Mutæ arbores amissis frondibus.

Non jam folia.

Ventorum ludibrium,
Sed sæculorum ferent invidiam.

Præter confixa ramis suis Thracum capita,
Alios fructus dedignantur.

Hic

Barbarorum excidium feliciore manu peractum
est,

Quàm illi nemus eruebant. ✓
Arborum, quam cernis, umbra

Tec

Ter mille extinxit Getas!

Nimirum

In sylvis (hoc est) in cubili suo.

Tot feræ periêrunt.

Non procul ab arborum cæde sterni debuit,

Qui tamdiu aluit belli facem!

Nisi una manu Poloniæ sceptrâ,

Altera orbis utriusque gloriam teneres

Regum fortunatissime;

Jam non frondes, sed novi imperii fasces

Hæc tibi sylva protulisset.

Metire cladem

Si potes

Posteritas;

Ad sonitum sylvæ hujus

Sæva Propontis exhorruit:

Meotis sedibûs mota suis!

Camænecum concussum est, & tantum non e-
versum!

Ut staret scopulus

Humanis viribus formidandus.

Dabis tamen veniam

Regum fortissime,

Actum erat de victoria illa,

Actum de Bessorum cladibus

Nisi tam fæda mors hostium

Ad lustra ferarum divertisset.

Tot scelerum monstra,

Vix poterant capi extra sylvas.

Benè precare posteritas;

Bisto-

Bistones.

Qui maria, qui regna, qui omnes Europæ In-
fulas turbârunt,

Tandem in Podoliæ nemore quieverunt.

Heu!

Quàm parùm terræ, magnam sufficit ad ruinâ!

Terrarum Domini

Tantillum glebæ impleverunt!

Non altiùs eminent Thracum busta,

Quàm arborum folia,

Quæ incubuere cadentibus.

Septuaginta Regnorum Domitor,

Sub nudæ arboris fronde jacet.

O immensas fortitudinis Tux vires Regum

Maxime;

Tantam superbiam! in tam humilem tumulum
projecisti.

Eodem loco cecidit, quò, raptum aurâ folium!

Non intra ædes, neq; intra tectam manibûs
urbem,

Sub aperto cælo fusus est barbarus?

Ut Sidus non fuerit,

à quo non videretur.

Desinimus mirari, tot olim numina in Sylvis
habitâsse,

Quòd Tuam in illis manum,

Cladibûs suis adorat oriens,

Europa veneratur.

Vel si taceat Fama;

Literæ fileant,

Vocalior hæc nemore Dodonæo loquetur Sylva:
Eum Polonis imperare Principem,
Cui parem fingere Poëtæ nesciverunt.

Date sæcula Victores:

Non poterat ignobiliore fato Biston occumbere,
quàm inter fungos:

Neq; turpius frangi, quàm inter fraga.

Aptum nempe

Et Tuæ gloriæ, & illius ignominia locum
delegisti

Regum prudentissime,
quòd

JOANNIS III. Victoriis

Tantum immortalitatis comparâsti.

Dicite sæcula

An uno ævo tam nobilem prædam

Æquè hostium, ac ferarum Venator Princeps
expectare debuit!

Aurea quondam Aeneæ virga;

Bistonibus, tota illa sylva prælusit ad inferos.

Nullus ex illis quos intercæpisti curribus, Po-
lone Miles,

Non triumphalis erat:

Nullus non Romano dignus invehì Capitolio?

Fecisti Regum Prodigosissime,
ut axes illi,

Qui ereptos sylvis truncos exportare voluerunt,
Non cæsas arbores, sed cladem efferrent orientis.

Immane pondus & non nisi JOANNIS III.
par ingenio.

Erigite

Erigite triumphalia Niedoborienes sylvæ capita
Infame nuper latronum hospitium,
Hodie theatrum triumphorum?
Ostentate palmas posteris,
Quas fuso Bistonum Sangvine collegistis!
Occupate nidos Aquilæ,
Quos vultures hætenus tenuerunt.
Habes nemora, habes Sylvas, Regum fortissime;
Ubi non Leones Tibi, sed fortiores nascuntur
victoriæ.
Si Metempsichosi Pythagoræ fidem damus,
In quæ monstra non migrassent barbarorum
animæ,
Nisi illas ferri Tui pavore è sylvis in stygem
usq; pepulisses?
Si quis Martem fatigare possit hostis?
Credo non sub alia securius quiesceret arbore,
præter eam,
Sub quâ tot Orientis exuvias reliquisti.
Et jam hic subsiste
Tanta cæde hostium fædate mucro;
Pulchriora sunt ad quæ properat,
Rex fortissimus.
Iam impar est tabula
Tanto operi exarando:
Discat Europa
Ex uno hoc stratagemate
Sapientissimis Regibus nusquam Palladis deesse
clypeum, nunquam hastam.
Audiant Posteræ

Feliciùs Principum capita, quàm Civium manus triumphare.

Vobis verò

Testes tanti triumphi Podoliæ sylvæ,
In quibus ita fortiter ingenium Regis effloruit,
Sufficiat hoc Elogium:

Odrysîâ Lunâ estis altiores,
Ramis inumbrâstis Orientem.

Post Podoliæ sylvas, trophæis, palmisq; Tuas
plenas, post finitimos Cameneco populos, qui
adversæ urbi securas ferebant suppetias, ter-
rore afflatas Panico, ingressus es limen hostium
Valachiam, ita securo victoriæ triumphiq; passu,
ac si Regiam Tuam urbem peragrare: Non
plures etenim intimo lateri excubias, non for-
tiores vigilias ordinâsti, illud ipsum quò exci-
piebaris tectum, Majestate Tua implebas, non
armis virisq;. Castra non tentorium Tuum
munire voluisti. Latius nimirum Tua porrige-
batur Majestas, quàm exercitus, atq; bellis invi-
ctum animum injuria erat ab alio custodiri.
Quoties tamen Castrorum ordo excubiarum
mutabat stationem; Tu securitati Tuæ, non
Polonorum, de quibus eras certior, sed Seme-
norum, Cozacorumq; deligebas centurias, quas
alii præter Te, non minùs quàm hostem timu-
issent. Scilicet omnes fideles Tibi facis, quos
propius admoves majestati, Regum Sapientissi-
me. Multi enim Principum, plures Regum,
non pauci Imperatorum, addam etiam Tyran-
norum

norum, dum falli timent, fallere etiam docue-
runt, plurimi quosdam minùs sibi fideles cre-
dendo effecerunt. In quotidiano deinde pro-
cinctu itinerum, non priùs tubæ belli dabant
signum, quàm Tuæ in Superos Pietatis, non
priùs ad arcus festinabas, quàm ad Aras, non
priùs ad clypeum, quàm ad Religionis Tuæ
volumen, Triumphalem manum extendebas.
A Sacrorum Cereis, belli facem, non ab Eryn-
ni, Furiisq; accendebas. Non magis ergo surgen-
tis Phæbi radiis, quàm Tuo in cælites cultu ar-
debant dies. Hæc ita ad hostem properabas,
ut ne Chotimum, quod Tibi occurrebat; secun-
dum Gloriæ Tuæ theatrum & supremum ad
Regni solium gradum, aspexeris quidem. Ni-
hil de periculosissimo illo bello, nihil de victo-
ria Tua differere voluisti. Occurrebant ingen-
tes tumuli, occurrebant nominis Tui trophæa,
erant qui modestiam Tuam fortiùs oppugnarent,
ostenderentq; quæ ad posterorum exemplum
impresseras vestigia. Imò digitò etiam mon-
strabantur littora, quæ præcipiti fatò hostium,
quæ cruore Bistonum annotasti. Tu Regum
modestissime, quasi non ipse fecisses, memores
tantùm publicæ Religionis tendebas cælo ma-
nus, quòd eam Poloniæ victoriam indulgisset,
cui Orbis vix par fuit. In Valachiam, Molda-
viamq; festinasti, quasi majus gloriæ quàm vi-
tæ restaret theatrum, ad ea, quæ animò desti-
naveras peragenda, impendisti omnes operi vi-
res,

res, non tam ætate annisq; quàm cladibûs hostium graves & trophæis. Metuenda quidem erant omnibus ipsa illa, tot terrarum spatia quæ hostem dividebant, sed non Tibi Regum fortissime, qui ipsi fortius urgebaris discrimini-
bûs ad opus pulcherrimum, & uni Tibi reservatum. Occurrebant ubiq; multæ paludes, & inepta trophæis stagna, tot exercituum cladibûs superbæ rupes, insidias minabantur. Aderat incolarum ingenium ob hostium victoriam pertinacius, quod æquè periculum fuit pati, atq; contemnere. Nimirum in desperationem alios ipsa illa loci plaga egisset, quæ Tibi nec moram fecit. More fulminis fregisti omnia, omnia terrore implevisti: Taceat fama, livor sileat, mirentur posteri, antiqui invideant. Cæsar Augustus, continuò tres triumphos egisse olim legitur; magnum illud & memorabile fuisset, nisi Tibi, non dies, sed horæ singulæ, momentaq; dedissent victorias, tot ubiq; discrimina superanti. Toto illo itinere tantum semel tempori tardius eunti, quod hostem moraretur indignatus es; ipsos verò Thraces tamdiu sensisti, quàm diu abfuerunt.

Sed mitigavit impatientiam pulcherrimus ille triumphus quem Tibi Iassiensium populorum deditio adornavit. Urbs est, quàm Veteres Valachix caput, nostri Moldaviæ dicunt Metropolim, inde Sereptò, hinc Prutò cincta, fluminibûs; hæc sive è nigro mari exeant, sive in Euxinum

xinum dilabantur, æquè certum. A tergo Camenecum habet, Chotimum, & Cecoriam; Thermopylas, vel Cannas Polonorum æquè, atq; Thracum, fronte Danubium, Bessarabiam, Bulgariam, Pontumq; respicit; uno latere in Ungariam, altero in campi deserta, Mæotim extenditur. Urbs non muris sed viris, & arduo accessu munitissima. Valachia, Moldaviaq; Ducum ac Palatinorum Regia, irruentium Campania Barbarorum. Hæc non ideo narravi, quasi ignorares Victor, sed ut palam sit orbi, ad quam urbem quantaq; celebritate accesseris. Effundebantur obvia inundantium populorum legiones, tecta tripudiis, fora carminibus personabant. Pars victorias Tuas, pars hostium cladem, pars suam felicitatem celebrabant. Erumpere omnes & quasi ex ferrea Otthomanica Tyrannidis obsidione eluctati, respirare liberiùs, & auras, quæ te vexerant ab ævo reduces auro, salutare, insultare periculis, aditus, quibus ferebaris obstruere, circumfundere, obireq; ferula, imò etiam præcedere, ut viderent vultum illum, quo Regna, Soliumq; serenas, quò terres hostem. Et erat non ingrata victori fama, pugna illa populorum; sine sanguine, non tamen sine rubore quodam, inter se certantium de primo Regis aspectu. Non aliter quàm si ex Odrysiæ servitutis Tartaro, ad Campos Elysios prospexissent. Pueri senem, securæ virgines virum, pauper nobilem, æger fortem ad triumphalem

phalem illam quâ veniebas portam provolare,
Matrum oblivisci suarum infantes, & obvia
turbæ misceri, ut delibare oculô liceret Ortho-
doxi Imperatoris majestatem, videreq; quanti
Regis pars esset victoriæ. Etiam lætæ Matres,
(quòd nunquam alias) non sua pignora, quæ
illis perire in tanta fortuna non poterant, sed
Tuos vultus, tuâq; lumina requirebant, Regum
Serenissime. Agebas enim ubiq; triumphum,
& nondum tam atrox bellum feceras; perinde
atq; idem tibi foret prodire extra Patriam,
quòd triumphare. Sed quis totum referat, (qui
Sparthæ illius excedebat Pomæria) liberum oc-
cursum, quis exuta barbarie, conspicuos, nova
veste Valachos? quis immemores jugi Molda-
vos? quis effusos ante Latina prius Sacraria,
infulatis Capitibûs Præsules. Quis deinde insi-
gnem niveâ Togâ Romanî Ritûs Clerum? Quis
ævo venerandos Græciæ Religionis Flamines? &
tantum non ipsa Tempia arasq; ad Numinis,
quòd augusto vultu spirabas, occursum effusa
fatis memoret? Quis instructas more gentis il-
lius dapes efferat, ex quibus nihil præter ele-
mentæ Tuæ usum delibâsti; lautius enim Urbs
illa conspectu Majestatis, quàm Tu illius e-
pulis fovebaris. Altius elogia Tua, quàm fi-
des Moldaviæ resonabant. Audiit hostis, & ex-
pavit, non minùs belli Tui tubam, quàm fa-
tidicum illud publicæ lætitiæ carmen, quòd
cecinit abeunti.

Augu.

Auguste Bessi navita Sangvinis,
Fulmen Gelonum, Threjiciæ pavor,
Pallorq; Lunæ; Te Propontis,
Te Thanais, pavidiq; nôrunt
Extrema mundi. Te positâ minor
Biston pharetrâ, Te Thetis ultima
Remisq; velisq; & remotis
Oceanus trepidat carinis
Totoq; sudat decolor æquore.
Capeſſe palmas, quas Tibi nec mare,
Nec fulmen irati Tonantis
Eripiat, nimiusq; Cæli
Adurat ardor. Sentiat Herculem.
Devota sævæ progenies Theti
Mæotis, Euxiniq; Lerna
Discat Eos, trepidare Solem,
Ultra propinquum Nerea Gadibus
Effunde bellum? jam Rhodope timet,
Jam pallet Arctos, jam Pelorus
Stare ſuô dubitat profundô.
Effringe nigri limina Nerei;
Effringe portus; frena Propontidi
Impone Victor; Te Canopus,
Te Lybico ſitit Auster æſtu:
Te barbarorum conſcia criminum
Aurora poſcit; Te Zephyrîs Arabs
Suspirat ultro; Te pudendæ
Religio famulata Lunæ
Proſpectat, alti è margine littoris
Lauroſq; neſtit. Parva manus Lechis

At Ductor ingens! ipse Mavors:

Ipsæ phalanx, Aciesq; prima.

Ad Serenissimum deinde Principem Jacobum, quem non minus periculorum socium, quàm gloriæ comitem ubiq; habuisti, magna pars versæ populi, votere Principi Optimo, annos illos omnes, quos hostibus ademisti, optare Patris triumphos, Regna, Euxinum ultra Mæotimq; extendere, & non finè blanda quadam majestatis injuria, jam illi, jam Tibi Serta necere, jam novas palmas, jam hostium cladem triumphali Dithyrambò ominari:

Perge Regum Sangvis alte,

Perge Princeps, perge Natum

Sole fidus. I per iras,

I per attri terga Ponti

I per undantes Scythiæ procellas,

Quò vocant palmæ Patris & triumphæ.

Te renascentis sitit ora Phæbi,

Phosphore Regni.

Te triumphatæ pavet ira Lunæ,

Molire passus sidere prospero

Saxa per & Scopulos, & Bessi limina mundi,

I per funera Thraciæ.

Auguste sangvis Purpura Te decet,

Quam non Pelasgæ præda Thetys

Sed Gericò pudefacta tabò

Aurora tingat. Dacia jam Tua est.

Unus sed Lechico parum

Orbis Alexandro, quærenda est Thracia ferrò.

Quà-

Quàcunq; faustum victor ages pedem,
Floreat tellus, placidoq; vultu
Rideant soles, & amœna plaudat
Aura susurrò.

Astra te nòrint Clypeumq; Patris,
Quò regna, labentemq; nuper
Sustinuit sinè clade mundum,
Post fracta sævi fulmina prælii,
Riphæa molles præbeant toros juga.
Nulla triumphales perturbent classica Somnos,
Relevetque sitim victa Propontis.
Nectar sint haustæ Geticis de fontibus undæ.
Perge Magne, perge Princeps,
Sidus Arctoum, Soboles Polonò
Digna Gradivò.

Dacicas pleno Cynosura curru
Devehit Lauros. Tibi cedit enssem
Minax Orion, fulmina Jupiter,
Sol radios, Ariadna Sertum.

Tu verò ut ampliores plausus declinares
Regum Modestissime, ad Castra, Cecoramq;
properâsti, Cannas olim veriùs, Thrasymenumq;
Lechiæ, hodie theatrum gloriæ tuæ. Hic Du-
cum, Heroumq; busta illorum, qui occubue-
runt, nominibûs altiora quàm tumultis conspicu-
tus, & de proximi hostis Castris à prudentissi-
mis Ducibus admonitus. Heròes alti, meo-
rum pars magna discriminum, sub pedibus
majorum nostrorum tumulos, Patriam à tergo, à
fronte hostem, ab omni parte cæli habemus
gloriam.

gloriam. Qui in arma venit, Geta quidem venit & fugax Parthus, sed non ideo fulmen contemnitur, quia dum ferit, perit. Euxini procella est nostrò frangenda clypeò, si Patriæ ratem salvam volumus. Robur est Asiæ Adriatico mari destinatum vel Imperio, nisi arma opponamus, imminentem Getam si campò vicerimus, tam procul erimus à periculo quàm ab hoste. Magna præda est, Europæ securitas, quàm fuscis Thracibûs referemus. Sudat toto mari Leo Venerus, luctatur cum Buda Imperium, utriusq; fortuna in arduo, nisi vires distraxerimus Orientis, nisi nostro pectore, Socialis belli discrimen exceperimus, nisi in partem còmunis triumphì iverimus. Urgent nos ad nobiles palmas majores nostri, quorum stamus in tumulis, & pedes nostros, ad suæ fortitudinis vel exempla trahunt vel vestigia. Sermoni finem feceras, jam belli signum iussisti cani, ne longiùs de prælio loqui, quàm arma cõferere videreris. Quid enim faceret Tuas inter hastas, & suos arcus deprehensus hostis, à latere montibûs quos superaverat, à tergo criminibûs quæ reliquerat, à fronte exercitûs Tuî facie terrebatur; non manum sequi pharetra, non vires manum, non gladius, non equus obsequi; tamq; difficile fuit Te coram miseris vivere, quàm superbis mori: non ita clausæ cassibûs feræ quærunt exitum; non ita fulmen nubibûs erumpit suis, non ita summis evulsum

tum jugis Saxum se se præcipitat, ut Bessi in
primas Castrorum tuorum excubias, se se effu-
dêre. Datur debito pridem tot sceleribus exi-
tio agmen illud, quod ad prælium quidem tri-
ginta prope suorum millia, sed ad cladem suam
& triumphum Tuum, totam, quanta est, Tau-
ricam numerabat. Committitur utrinq; acies,
quàm gladiatoria desperatione, furor barbarus
armaverat, sed primos insultus, pertinacissima
sua morte ita clausit, ut nec iis, qui supererant
Thracibus, nec victori Polono urgere palmas
licuerit. Nam & indè fugientibus impervia
paludes, indè minantes scopuli monuerunt ho-
stem, ut illâ, quâ ad prælium viâ descenderat,
vulnera sua reveheret. Per stratos enim ca-
daveribûs campos, non per triumphos, quos a-
dornari vetuisti, in Theiniam, Budziacos, Bil-
logrodum, Bessarabiam, & Euxini fauces festi-
nabas, nihil enim lentum est magnis mentibus
Sequebaris iter, quod fugiens Parthus aperue-
rat, maluistiq; hostem qui supererat vincere,
quàm necare, hoc est ad majores palmas servâ-
sti ensen. Sed ô difficultates immensas! ô in-
superbilem belli seriem! ô labores ævô majores!
quos Tibi plaga illa referavit. Sidera impri-
mis occurrebant viris, galeis, clypeisq; nimia;
tellus deinde inhospita, & littora plûs quàm
barbara, quæ nec homines, nec feras alerent.
Tu modestiâ tantâ de his discriminibus trium-
phabas, ut ne Patria quidem scire diu porue-
rit,

rit, qua parte cæli, plagâq; morareris terrarum.
Jam Danubius, jam Tanais, Tuas palmas Neptu-
no detulerat, & adhuc viftula Varrâq; filebat.
Jam omnes cōputârant Victorias Tuas exteri, jam
sudabant sub Tuis trophæis scriptorum calami,
jam ipsi etiam hostes (ne puderet victos) forti-
tudinem Tuam celebrârant, Soli Cives Tui,
quanta egiffes, nesciebant! Ita securos nos esse
voluisti, ut ne illa quoq; ad nos pericula, quæ tam
procul superaveras pervenirent.

Properante ad Indias Sole, quanta in illa,
quam deserit, cæli parte mutatio! quàm diver-
sa rerum facies! certantium inter se fide-
rum quanta pugna? quot, & quàm atræ nubes,
primam illam corrumpunt Serenitatem! Cælum
everti, diem ruere, lucem mori diurnam, omnia
Sole sub terras exeunte, videmus ire in contra-
ria. Felicius fuit triumphale Tuum iter in Scy-
thiam, Solis viâ, Regum Serenissime. Te enim
tam longè absente, nullus in regno tumultus,
nulla Seditio, nullum de Tua fortuna pericu-
lum, quàm tot virtutum excubiæ, quocunq;
Te verteres, sequebantur. Labeantur eo cur-
su momenta rerum, legesq; & Sacra, quem Te
spectante tenuissent. Numinis enim cujusdam
more, ubiq; nobis obversabar, ubiq; nobis oc-
currebas, non domus, non ara fuit, quæ Tui
memoriam non coleret, quæ Tuarum victoria-
rum desiderio magis, quàm ceris non arderet.
Ipsos etiam quos in magnam Regnorum spem
adhuc

adhuc domus tenet, Regios infantes sæpius de
Tuis triumphis colloquentes admirati sumus.
Quæ regio (boni superi!) quæ pericula sem-
per invictum Patrem tamdiu tenent? ò Geni-
tor ipsa nobis luce charior, quæ te tam barba-
ra tellus moratur? cur à vultu Tuo pendere,
cur triumphalibus affundi plantis non licet, &
ex vestigiis colligere, quàm vasta terrarum spa-
tia decurrerint? nondumne cæsus Biston, non-
dum capta Orientis castra? nondum erepti ar-
cus, quos tendamus? nondum aptas ludo no-
stro hastas porrexerit victoria? Ibant deinde ad
Augustæ Parentis Regiam, in qua Regni fata,
in qua Tuam securitatem, in qua nostram For-
tunam, animos supra viros, supra sexum ex-
pendebant. Ibi enim requirebant, Te oculis,
ibi Regio singultu Patrem non magis suum,
quàm Patriæ conclamabant. Conceptum verò
ex tam longa absentia, intimis medullis dolo-
rem, non Næniæ ad infantilium aurium blan-
ditias compositæ, sed victoriarum Tuarum nar-
ratio, & triumphî apparatus leniebat. At non
Regiam modò, sed fora theatraq; omnia adhuc
absens impleveras triumphis, aderas legum vin-
dicibus, cum fata decernerent mortalium, &
tacite monebas: ea integritate omnes, jus fasq;
exigerent, qua Tu periculosissimum hoc bel-
lum superabas. Omnes enim à Tuæ majesta-
tis supercilio, quò ubiq; eminebas, magis, quàm
ab edicto prætorio pendebant. Ita omnium
agita-

agitabantur causarum momenta, ut ne Lycurgus quidem aut Numa, Sanctiores desideraverit sententias. Dabat unusquisq; operam, ne quid tale ageret, quod à bello reducis majestatis tuæ lucem, nube aliqua tristitiæ posset offundere. Nulla in urbibus, nulla in foro mutatio, nulla rerum novarum molitio. Quod nuper nescio cujus Oratoris assentatio, Philippo Regi scripserat: hoc Tu Regum Maxime elogium meruisti. Quod enim aliis in populis, præsentis Domini metus non impetrat, hoc Tibi Patriæ pietas ultro præstitit absenti. Tanti nimirum fuerat suprema hæc Tua, tam longa, tamq; ardua, in Valachiam, Moldaviam, Daciam, Scythiam expeditio! ut hæc Tuorum in Te studia populorum; tantò clariùs Tibi constarent, quantò longiùs à nobis discefferas. Nostrâ quoq; intererat, Te tamdiu à regno, tamdiu à finibus Imperii abfuisse, ut meliùs disceremus, quantùm simus Te præsentem felices, postquam tamdiu sensimus absentem.

O quàm lento gradu ingens triumphus venit! ò quàm serò magna exeunt? quàm tardo pede fata labuntur mortalium? suprema ingentium cladium hora, quàm invita properat? post tot dierum interitus, post tot occasus & funera, mortes hominum, fæda tandem Serethi littora, cæde sua Biston eluit, abstersitq; sudorem Polono militi, quem illi suâ tam longâ prælii fugâ expresserat. Effusa enim solito celerius;

leriq; (quasi ad cruentum scythiæ funus evi-
gilasset) Aurora, laborare sequacia Lunæ Ottho-
mannicæ astra, vixq; impulsâ acie ire in præcep-
sustuarium, Scytharum agmen se invicem festi-
nando tardare, ultimi primis, Murzæ postre-
mis misceri: Polonus eminus urgere terribiles
visu formas, cominus hastis configere, frontem
alii, alii terga fugientium occupare, ferire, cæ-
dere, hostes alii vulneribus succumbere, alii
infixtas ferrô mortes, in Sylvas, in cæca fera-
rum cubilia, alii in Serethum, Dziezamq; di-
gnum enim verò tam fædâ animâ sepulchrum
deferre, hi inter suorum Ducum odia, illi in
Tux clementiæ invocatione exspirare, alii re-
lictis in acie signis, avulsis alii ferrô membris,
reliqua parte corporis, vultum Tuum veluti
supremam in clade illa Numinis aram requi-
rere; omnes arma quæ supererant, victoris pe-
dibus calcanda projicere, terram osculis preme-
re, & quasi audaciæ suæ nomine deprecari,
quòd in illam descendissent. Nullus funerum
cædisq; finis erat, nisi alios mors longior ad
Pompam triumphi, alios Tua servasset clemen-
tia. Armorum Tuorum metu projectos non
urgebas, sed leonum more præteribas, quos
impulisti. Indè fuit quod extra aciem, in qua
sola parcere nulli licet, cædi obvium hostem
vetueris, vita (inquebas) etiam majoribus po-
test eripi, nunquam conferri nisi minori potest.
De Pompeii capite Pupillus & Spada tulere Sen-
centiam

sentiam, de Crasso crudelis & insolens Partius, Ca-
jus Caesar jussit Lepidum Decimo Tribuno præbere
servicem, ipse Cheræ præstitit. Omnes enim nō
ita belli vinculis, quàm Regiæ potestatis reve-
rentiâ capiebas, superos imitatus, alios in nu-
mero servare Universi, aliis frui, alios pati vo-
luisti, ut nullus esset ordo mortalium, quem vel
Majestatis, vel fortitudinis, vel Clementiæ Tuæ
non duxeris in triumpho. Et tamen hostis il-
le, cui parcebas, vel ideo nullam merebatur
veniam, quòd illam à Te toties petiisset
toties violatam: Tu verò inverso rerum hu-
manarum ordine, ideo facilius ignoscebas,
quòd sæpius deliquisset, quasi minùs jam illi
ad offensam restaret virium, quas tot attrivit
lassavitq; sceleribûs: Tuæq; Clementiæ tantum
accederet incrementum, quantum hosti men-
tis, speiq; deerat ad veniam. Per tot igitur vi-
ctorias, ad Europæ triumphum tendebas, Se-
quebatur verò victorem Exercitum agmen il-
lud, non tam ferrò suo pedicisq; quàm tuæ for-
titudinis metu revinctum. Ibat robur Cri-
mæ, ibat flos Aulæ Tyranni, ibant in fronte
Primipili legionum, nunquam morituri trium-
phi, viva trophæa, & non minùs armorum,
quàm Clementiæ Tuæ pompa nobilis. Minùs
profectò, minùs egeras Auguste noster, si tres
uno die triumphos de aliis hostibus reportâs-
ses. Minùs æstimamus Africani manum, quâ ju-
ratum illud belli fulmen fregit Annibalem, non
ita

Ita miramur Pauli Æmilii fortunam, quæ ipsius arma Regem Macedonum Persam impulit; plus est unum vincere Getam, quàm mille Persas vincere! Fortiorem manum una hæc palma poscit, quàm Sexcenti Macedones. O fulmen Orientis exitio natum! ò invictam Regis mentem! ò prodigia non victorias! ò triumphos uni Tibi servatos, Regum Maxime. Audere fabulæ, conferte fastos Historici, utriusq; sæculi victorias, triumphosq; proferte Oratores; plura Spolia, quàm pericula numerabitis. Principis nostri victoria, non inter exuvias Regnorum, sed inter Europæ fuisse discrimina. Equidem de hoc Tuo bello, velut de Numinis arcano reverenter decet loqui mortalem, ne aut invisâ sit Oratio nostra superis, si jactanter, aut ingrata, si frigide velimus loqui. Sed erit aureum illud ævum, quod abstersa livoris (si quæ obest) nube, totum reteget gloriæ Tux vultum & componet Poloniæ bellis triumphos aliorum actos sub umbone Tuo, ne dicam sub periculo.

Habemus domi codices, habemus plenos publicæ lucis fastos, quæ felicitate quàm modica Tuorum clade, quàm divite præda, tot interim receptæ Urbes insularq; quando Tu per mille Tuorum discrimina, ad illorum victorias, quorum Sociali militiæ prælucebas properasti. Palam esset, quæ Tu, quæ alii fecissent? sed vereor, ne plus Tuis victoriis invidiæ parem, quàm gloriæ. Satâ est quod post

Suscepta in Orientem bella, primò præliò Vien-
nam, Austriam, & magnam partem Ungariæ, a
clade ultima vindicâsti: Secunda post Austria-
cam expeditione, tot amissis iterum Heroibûs
fortiùs quàm feliciùs, centum tamen hostium
millia, à certa Imperii clade averristi. Annò
verò proximè evolutò (crederis posteri!) Su-
pra centum millia Turcarum Scytharumq; no-
vem Tuorum sustinuisti millibûs. Lauris Ef-
culetum Valachiæ, paludes tabò hostium, fossas
cadaveribûs exœquâsti. Duodecem præliorum
Victor, nunquam triumphator. Cæсорum in
acie Suorum Optimatum busta, iisdem revexit
barbarus quadrigis belluisq; quibûs bellum ad-
vexerat. Proxima verò hac expeditione, tan-
tum non portam Orientis ingressus es? ita vo-
lentibûs fatis, ut rudes barbari diutiùs disce-
rent quem timere, & cui suam deberent secu-
ritatem vel exitium. Claudio paginam, sed
non Tua merita, quæ totam æternitatem occu-
pabunt. Satis est Majestati vestræ ad belli hu-
jus gloriam, quòd suprema hac expeditione,
ab omnibus oppugnaretur elementis, imò &
ab ipsis sideribus, ut non de homini-
bus tantùm, sed de cœlo etiam,
astrisq; fervidioribus, trium-
pharet.



IN VICTORIAM

De SCYTHIS & COSACIS relatam.

Ab

ILLUSTRISSIMO

&

EXCELLENTISSIMO

DOMINO

D. JOANNE

In Żółkwia & Żółczow

SOBIESKI.

Supremo Mareschalco &
Duce Exercituum.

REGNI POLONIÆ.

Auctore UBERTINO CARRARA

è Societate JESU.

Professore Rhetorices in Collegio Romano.

Anno Domini 1737.



POSNANIÆ.

Typis

in Collegii Societatis JESU.

ILLUSTRISSIMO & EXCELLENTISSIMO
DOMINO, DOMINO
JOANNI
SOBIESKI

Victoriam Tibi olim caliginem inter & tenebras pulveris Martialis, contra Scytharum centum, Cosacorum viginti millia, felicissime comparatam, in lucem protulimus: Excellentissime Princeps, ut nos etiam in partem Tuæ felicitatis, quodammodo evocati, Scythicæ cladis vestigia, quæ ipse non sinè gaudio fixa miraris in campo, saltem impressa typis exteri videremus. Tu pariter nostra cum leges, ignoscas, precor, si paginas illum afflare non sentis ardorem, quem Tuus in Campo vultus anhelabat. Id unum invenies me tantum à laudando defecisse, quantum ipse præstiteris præliando.



CARMEN.

O Fortuna! novo semper quæ perfida vultu
Non finis immotum requiescere sedibûs orbe
Orbe tuo descende rotâ: Sinè lege vagari
Non datur ulterius, nec motus inter utroq;

Fortunatarum rerum, pariterq; malarum
Sarmatiæ post hæc versare volubile regnum
Jam tandem alatum clavîs fatalibûs axem
Fiximus: & certum dedimus vincendo tenorem.
Cum Scythia barbaricos in nos converteret areus
Divitiis & mole potens: trepidâsse fatemur
Regna CASIMIRI, dederit solatia quamvis
Instabilis sub Athlante Polus, quem posse moveri
Credidimus, non posse rui, sed clade Getarum
Imperium superimpositum cum stare videmus,
Fecimus æternum & nunquam mutabile fatum.

Tu mihi SOBIESKI tanti certaminis author
Pande iter & comitem Tecum me tolle per arva
Sparsa cadaveribûs Geticis, fas visere campum
Virtutis testem; nec quos jugulaveris ipse,
Te monstrante sciam: cernam quos occupat ingens
Fanus; & à grandi dignoscam vulnere dextram.
Quodsi Te circum pictis fremis undiq; in armis
Clara manus Juvenum, pictis spectabor in armis
Ipse simul, tractabo faces & Apollinis arcum,

Et Vates & miles ero; Sic sentiet hostis
Ultima Mavortis post vulnera; vulnera Phæbi.

Ut fera Sarmatiae, placidam Moschovia dextram
Obtulit; & positis siluerunt classica bellis,
Aere catenatur Mavors; sic alma iubebat
Religio; trahiturq; rigens ubi sidera pulsat
Caucasus, hic nuda religatus rupe Prometheus.

- Ulterem adversus Phæbum pandebat hiantes
Fibrarum caveas. spatioſaq; pectoris antra
Morsibus impastæ volucris; vorat ipsa medullas;
Aeternumq; bibit rostro sitiente cruorem,
Quem simul attonitâ speculantem mente futuram
Pænarum seriem, Dea conspicit, ocyûs inquit
Hic famuli religate virum; scopuloq; vacanti
Succedat Mavors; fuerit, quod fabula jactat;
Grande nefas, vetitum Solis tetigisse cubile;
Danda tamen sceleri venia est, speciosaq; furti
Causa reum absolvit, neque enim, nisi amore virorum
Ausus adire domos ignis, & sumere vitam
Vitali de Patre, hominum si semper ad usum
Noctes atq; diesvolvunt Titana labores;
Cogitur & major mundus servire minori;
Partem homini tribuisse sui cur displicet? iste
Transseat in Martem scopulus, qui detulit orbi
Accensas Acheronte faces, terrisq; nocentes
Divisit cineres; & nunc de cæde Polonâ
Ebrius, ecce tulit madidantes sanguine victus,
Ipsaq; jam saturâ lambit fastidia lingua.
Ergo scelus luat ad rupem; stet desuper ales
Excubitor. rostroq; fibras populante pererrans
Immortale trahat pectus; ne ve aspera rumpat
Vincla, vel effugio pateat dolus, igne Prometheus
Excubet, & pænam, fuerat qui pæna, ministret.

Dixerat: adstantes famuli mandata capeſſunt;
Corripiunt Martem renuentem, & vana minantem
Imperio cogente Deæ; sic inclytus olim
Amphitrioniades, post bella exacta Gigantum

Et au-

Et nemorum exuvias, cum jam turgescere nulla
Fœtibûs auderent Matres, trepidare Læna
Alcidæ clavata, medio nova bella, novaq;
Quæsiuit Phlegetonte feras, & limine fracto
Inferni Jovis, umbrarum spectante tyranno;
Eripuit custodem Erebo, tractumq; catenis
Spectandum latè populis præbebat Achivis.

Cernimus affixum glaciali in rupe Gradivum;
Terribiles ne quidquam oculos frustra; moventem
Brachia, terribiles humeros, & vincula vastos
Circumplexa toros, ipsum cervice superbâ
Insultantem Astris; superosq; in bella vocantem.
Sed pedibus latrare hyemes; raucosq; videmus
Cum sonitu in præceps descendere montibûs amnes;
Stare ruinosas cautes, pendentia terga
Sylvarum, & curvos apices librare timorem.
Aæcus hæc unquam, aut Minos si regna viderent,
Mutarent tormenta reis; Acheronte relicto.
Monte sub hoc Theseu gemeres, penderet ab istis
Ixion scopulis, hæc Sisyphæ saxa rotares.
Non tamen his furor, aut odium implacabile Martis
Mitescit pœnis sed opaco cinctus ubique
Ag nine nymborum; velut ardens nube sagitta
Aestuat, impatiensq; huc ora revolvit, & illuc;
Dentibûs infrendens; morfu nunc tentat inani
Vellere nec quidquam nodos, nunc frangere dorsis
Turritam silicem, sed nullis illa movetur
Viribûs, it membris calidus liquor; inq; tenaces
Oris anhelantis descendit spuma catenas.
Ergo ubi vana videt conamina, voce tremendâ
Exulnat; quis tela mihi? quis sustulit arcum?
In quod supplicium durum, ac miserabile vitæ
Transcribor Deum? O furia quascunq; sinistro
Nox peperit partu, conceptu fata nefando
Cernitis hæc, nec fertis opem? quæcunq; rotatis
Arma manu, mea sunt: mea nunc mihi reddite tela,
Ferte facem, gladios, nostrosq; abrupite nexus.

Quid loquor infelix? videt hæc, ridetq; Polonus
Sed faciam doleat, pugnabo, & me quoq; vinctum
Sentiet ultorem. Dixit: nec plura locutus,
Faucibus exhalat rabidis (mirabile dictu)
Pestiferam tabem, quâ protinus aura, calescit.
Inspiratq; novos infani Martis amores.
Sic ubi, demissis sensit captiva teneri,
Getarum torpedo dolis, non territa cædit,
• Moribus aut ullis; hamo luctatur edaci;
Sed glaciale vomens atro de pectore virus,
Cogit arundineis mortem discurrere nodis;
Inde sui victrix; jam de victore trophæum
Pensile sustulit; dum piscatoris habenam
Concretamq; gelu suspendit in aëre dextram.

Caucasius infectis sylvis clamavit ad arma
Primus, ad arma gravis liquefactæ ardore veneni
Clamavere nives, tunc clausæ vallibus imis
Fama est; cum Dryades, & Orcades ætheris haustum
Attraherent, cecidisse sinu, manibusq; coronas
Ac Ciconum de more ululantes crine soluto
Pampincô molles dextras armasse flagellô;
Quin etiam scopulo pendens, silenus ab alto
Dum sedet, atq; pecus gracili solatur avenâ,
Aura per occultos sensim demissa meatus,
Intonuit, carmenq; dedit, cum bella vocarent
Audito clangore tubæ; stupet ante magister
Et procul à sonitu timidæ fugere capellæ.

Latius afflatu diffunditur aura maligno,
Et jam, jamq; magis Scythiæ per viscera serpit,
Nativum excutitur frigus, populosq; nivales
Ardor habet, præceptq; furor: capit arma juvenus
Inscia, quis capere arma manu, jubeatq; Polonis
Irasci. Sic uno omnes torrente coacti
Quò rapiuntur, eunt. Pietas jus fasq; bonumq;
Barbaricas inter sunt, barbarâ nomina, Gentes.
In gladio jus omne colunt, & iudice ferrô
Causa peroratur: nec tam spectatur honestum

Quam

Quam placitū, solumq̃, placet, quod pugnat honestos
Quæ pietas speranda, ubi cæsa cadavera Patrum
Exhilarant mensas, & sanguis spumat in auro?

Sed tamen infusum violentius ebibit ignem
Soltangalga, Scytharum heros, ipretorq̃; Poloni
Nominis, & superūm, ferus, intractabilis, excors,
Vastus, terribilis, quem si rediviva iuventus
Spectaret Phlegræ, rursus nova bella pararet.
Deq̃, ruinosis; & adhuc fumantibus Ossæ
Reliquiis renovans ausus; aptaret adustas
Arcibus æthereis scalas; procederet iste
Magnanimi comes Enceladi; & capita ardua tollens
Astra super: Primus limen calcaret Olympi:
Ergo ubi concepit furias, sinè more per urbem
Bacchatur, quali matrem execratus Orestes
Cum trepidat, pœnamq̃; luit formidine pœnæ.

Militis armandi locus est, ubi protinus acres
Bella canunt litul, pendentibûs aula superbit
Exuviis, vestiq̃; truces Bellona Penates.
Huc Scythæ (quandoquidem stimulos agit ira feroces)
Turbidus ingreditur. Gaudet spectare jacentes
Per terram pharetras, gressusq̃; inferre superbos
Pila super, clypeosq̃; & nigros pulvere currus.
Et modo præ manibus ferrata volumina versans
Ponderat immanes galeas, modò fusus acervis
Incubat armorum, cumulisq̃; ingentibus hastas
Extrahit; & ferrô se se metitur in omni.
Miratur fractos clypeos, affixaq̃; truncis
Ora virū: plerumq̃; furor medicina furori est
Et vitium speculô si se cognoverit, odit,
Hic visâ feritate furit, scenaq̃; cruoris
Pascitur, ut sitiât magis, ardeatq̃; videndo
Tum caput adstringit galeâ, thorace lacertos
Induit, & manibûs validam circumrotat hastam.
Idem omnes simul ardor agit, spoliantur ahena
Merce Lares, tecto eruitur damnosa supellex,
Quos ubi jam plenos animis, & robore vidit

Conflîo flectens rabidæ molimina mentis
Talibus aggreditur Ductor: Nunc ite feroces,
Ite mei cives, totumq; invadite mundum:
Fulminis excipiat nostri vicina favillas
Sarmatia, exactis quæ dudum faucibus bellis
Si nondum cecidit, primo est casura sub ictu.
Innumeri venient unâ de clade triumphî.
Incipiat florere semel Mavortia Laurus,
Arbor erit. latèq; suos diffusa racemos
Umbrabit totum solis victricibus orbem.
Sarmata vincatur, devicta Polonia, portas
Pandet ad Italiam; fas illic figere sedes
Purus ubi Titan; & mollior aura relaxat
Manivetur cultore solum, semperne procellis
Vivendum? mundi; habitanda silentia nobis
Damnati voces Aquilonum audire, coacti
Cum nymbis, glacie, hospitium commune tenere.
Quid plura? irrequieta quies nos urget, euntes.
Hac illac vectare domos, sic more volucrum
Vivitur errando, tectumq; volatile mundum
Metitur cælumq; suum sua Patria nescit.
Id tamen, aut odio naturæ, aut sortis iniquæ
Vertatur, culpam ferrô emendare licebit,
Ingratamq; alias fatorum vertere legem.

Dixerat: exarsere omnes; atq; agmine facto
Protinus erumpunt portis; sic præscia corda
Agricolæ horrescunt, cum cardine fusus eodem
Nymbus agit Borealem hyemem, gremiôq; sonanti
Sylvarum interitus, & clausa tonitrua portat.

Sarmatiæ Dux interea venientia longè
Nubila prospiciens, tempestatemq; ruentem,
Quid faciet? contra feret agmina? milite tanto
Ipse sed inferior, non prælia, funus adibit.
Ergo ratus bellum, gravius bellare morando,
Arces præsidio firmat, mox robur, & omnem
Militiæ florem Cameneci manibus, addit,
Hostem terribilem opericas, venit ille; sed ignis

Ceu

Ceu vorat, oppositum si nihil invenerit, ignem.
Atq; rogô perit ipse suô; sic effera corda
Flexit surda quies, & vim pax longa peredit.
Tum verò incautum contra, & nil tale verentem
Infert bellipotens minitanti signa Polonus.
Hic WISNIOWIECKI ducentem in prælia turmas
Cernere erat, Scythiæ fulmen magnôq; timendum
Nomine, quem juxta vadunt non impare gressu
SILNICKI, & PIWO; formidatuq; Cosacis
Ense POLANOWSKI, quorum dum tela rotabit
Dextra, stet medius quantumvis caucalus horrens
Pro Clypeo, excussos nusquam frustrabitur ictus.
Nunc age, quas acies campô Sultanus aperto,
Explicuit, quibus obstiterit fortissimus armis
SOBIESCUS quâ vî tandem dejecerit hostem
Dic Erato; bellum metuant quicunq; lacescunt.
Est procul à bello, bellum spectare, voluptas
Ille quidem prope Sarmaticas rutilare phalangeas
Ut vidit, votisq; petitam ingentibus horam
Adventare, jubet numerosas æquore turmas
Distendi, & totos operiri milite campos.
Quisq; suis hæret spatiis, ac limite in uno
Funeris & vitæ pariter confusa calcant.
Ipse altô Sultanus equô velut arce supremâ
Spectator Xerxes, vastas miratur arenas
Agminibus fluitare suis; peditumq; equitumq;
Stare globos, promptos nutum si moverit ore
In tenebras mutare diem, Phæboq; ruenti
Accelerare novum telorum in nocte sepulchrum.
Parte aliâ noster fulgentibus ibat in armis
Ductor, & erecta se se cervice ferebat.
Et quamvis nunc flore Ducum, nunc ille pedestri
Mixtus eat populo; multis à millibus unum
Separat egregio radians in Principe vultus.
Ipse comam grato respersus pulvere campi
Militat exemplô, primus discrimina prima
Sponte subit, nihil ipse sui, solumq; suorum.

Arme

Armorūmq; memor, stat lætus & agmine ab alto
Magnanima cupidas hortatur voce Phalanges.
Lumina Sarmatiæ, quorum quid Marte valeret
Dextera; spectatum toties me iudice, virtus,
Nunc eadem vocat, & Patriæ fatale periculum.
Ibitis in viles animas, quæ more ferarum,
Non opus est ferrô, vocis clamore fugantur,
Sint licet & numero simul, & sine nomine gentes;
Nihil valet alituum populus; si plebe volucrum
Congrediatur atrox Aquila: ut disperdat inertem
Pastorum pecudumq; gregem; Leo sufficit unus.

Plura locuturum fragor increpat; æra repente
Æra dedêre sonos; tunc omni ex parte solutæ
Incubuerê acies, peditumq; Equitumq; manipuli
Quadrupedumq; ruunt, densatis viribûs omnes
Urgentur, subeunt, perimuntq; caduntq; vicissim.
Æternus foret ille dies, pariterq; supremus,
Adventu nox atra suo sed bella diremit,
Et satur ipse satis Phæbus feritate diei
Merfit in Oceano stillantes sanguine currus.

Religio interea ventis ad fræna vocatis,
Aethera tranabat curru, stellasq; premebat.
Talis erat, quæ tunc etiam sub nocte serenâ
Luna renidebat tremulis argentea bigis,
Quam simul armorum pepulit fragor, acta repressit
Lora manu, vertensq; oculos, circumspicit omnem
Sarmatiam, latè pharetrâs horrere Getarum
Nec causæ latuere mali; perniciosior ergo
Urget equos per saxa olim damnata Promethêo,
Ecce propinquabat Scythiæ: cùm fervere virgo
Sensit hyperboreas glacies, flagrare Trionum
Frigora, & ad tactum ventorum ignescere pennas
Tunc primum turbantur equi, spumâq; calenti
Immaduere jubæ; repetitis nubila pullant
Calcibûs; immissum redduntq; è naribus ignem.
Ipsa pavet, pariterq; sibi replisset in artus
Pernicies morbi, adversus contagia terræ

Ni quoq; cælicolis pareret sua balsama cælum
Ergo ubi summa tenet montis juga, repperit atria
Exhalantem æstus putrefacto ex ore Gradivum
Tum verò exarsit visu, virgaq; sonanti
Quâ moderatur equos, montem quatit, ista repente
Viscera contremuere soli, montana patescunt
Atria, & obtutus manes descendit ad imos.
Nec mora, procurrit scopulô, mox effera, quantum
Forma finit, Martem magna vi corripit & jam
Fatum triste sibi, casumve instare timentem
Prensantemq; trabes, genibusq; hæere parantem
Dejicit in præceps, atq; ora patentia montis
Monte tegit superimposito, clauditq; sepulchrum.

Ille diu pendens anfractibus, atq; rotatus
E scopulo in scopulum, tandem velut eruta pinus
Procubuit, terramq; ruens, rabido ore momordit,
At non tardatus casu, neq; territus atrâ
Surgit humo, & vacuum furibundus obambulat antrû
Exululans, manibûq; nemus prætentat opacum
Si pateant aditus, sed rimula nulla nitorem
Admittit, præbentq; sibi sua lumina flammæ.
Sic olim Enceladum vastâ se mole ferente
Jupiter edomitum telô, sub monte revinxit,
Victimaq; ultori ne tanto æterna deesset,
Ipse suâ cervice rogam sustenat adustâ,
Paulatimq; Gigas Actinâ crepitante litatur.

Tû Dea præ manibus tædâ capit alma Promethêi,
Admotâq; labris meliores evocat ignes.
Ore trahens cælestem auram, flagrat illa, suoq;
Protinus arctoam recreavit frigore brumam
Præstò aderat currus, quô cum Regina resedit
Ceu rutilans aurora movet per nubila currum.
Quaq; viam scindit quadrupes, vel spicula lucis
Tæda vomit, tabes jaculata repente recedit
Aspectu Jovis, & stygios desudat ad amnes.
Mox face Sarmatiâ vigilans accendit eâdem
Pugnaces animos & sufficit ignibus ignes.

SOBIESCUM petit ante alios, qui nocte sub ipsa
Fortè reclinabat clypeò caput: Igneus illi
Descendit vigor, & calescèta per ossa cucurrit.
Protinus in somnis solus sibi millia contra
Ire videbatur, manibùsq; errantibùs hastam
Vexigans, circum cæco perterritus ictu
Larvatos equites, & spectra sonantia ferrò.
Hæc inter, somnò excutitur, stratiq; relictis
Posit equos, bellumq; novat, stetit omnis in armis
Campus, & impatiens voti, spe devorat hostem,
Aeternam increpitans noctem, nimiumq; morantem
Desertorem orbis thalamò segnescere solem.
Ecce dies tandem, certatim aurora tubarum
Voce salutatur, tam latè ignescere tellus
Incipit, assurgunt hastæ, vexillaq; primis
Horrescunt, Zephyrùs, matutinæq; pruina
Irrorant galeas, tepidis nitor errat in armis.

At piger è stratis surgit Scythia, tardior illum
Gressus habet, sortisq; velut præsaga futuræ
Dextera vaginæ quoties accommodat ensẽ
Illa cadit, capuloq; riget manus ægra trementis.
Non etenim Mavors animos dabat amplius ullos.
Rupe sepulchrali clausus, caluere Poloni
Marte statim meliore Duces, bellacia corda
Acriùs inflammante Deâ, tunc impete toto
Itur in imbelles jugulos via rumpitur armis
Nec mora nec requies, hastâ gladioq; manuq;
Semineces, vivos, punctim, cæsumq; trucidant
Nil profunt sua plaustra Scythis, ruit ecce Polonus
A tergo, ascensuq; petens, carpenta revolvit,
In præceps Dominos, ipsum temone videres
Purpureum mox aurigam, glomerare feroces
Sanguineum per iter, supraq; cadavera currus.
Ast ubi laxati cunei, nec jam amplius ore
Res humeris agitur, tunc omnes ordine nullo
Ire catervatim, sparsim, seseq; premendo
Agmina festinant, festinandoq; retandant

Officibus hic fractis mutilo cum corpore campo
Reptabat, partemq; sui post terga trahebat.
Ille metu pernix supra gladios pharetrasq;
It vitamq; cruentis saltibus eripit hosti,
Sed tamen ora retro gressu convertit in omni
Sarmaticam dorso ratus adventare sarissam

At campô, dum terga Scythæ vettere reliquit
Ecce ruit portis victoribus obvia pubes,
Incedunt mistæ pueris longo ordine Matres
Et crotalis festoq; Ducem clamore salutant.
Inde avidè spectare locos, ubi noster ovarit
Miles, & edomitus tentoria fixerit hostis
Procurrunt campo, gaudet pars noscere visus
Pars tractare neces, & adhuc spirantibus extis
Vestigare animæ penetrabile infame latentis.
Quia etiam pueri materna exempla secuti
Reptant scuta super, teneris mox ungvibus audens
Effodere extinctos oculos, divellere membris
Spicula, & adstanti munus præbere Parenti.
Quos inveniunt nostra de gente jacere,
Aut super incumbunt cæsum corporum acervos
Aut licet hac, illac, spangantur brachia, ferri
Hæret trunca manus capulo, scintillat in ore
Ira superstes adhuc, & lumina clausa minantur.


Quis vobis Scythicæ Matres? tunc sensus & amens
Ira fuit? cùm fama mali prænuntia tanti
Narraret dulces natos, & vestra virorum
Corpora, Sarmatica penitus cecidisse sub hastâ?
Tunc illæ in tergum versis de more capillis,
Præcipientes cum fletu, & funereo ululatu
Ascendere rotas, suisq; nivalibus errant
Bacchanturq; simul, radicibus antra revellunt
Ferales structura pyras, mox igne sub ipso
Exequiale canunt confuso murmure carmen.
Nec non uxores alâ de parte Cosaccæ
Respondent longè lacrymis, æquantq; dolores,
Ostenduntq; rogos similes, sic unica clades

Confociat luctum, & populorum fata duorum.

Sed vos Sarmatiae Proceres, quibus una
Aeternum fortuna decus, si fortè superles
Barbarici cineres, nec adhuc scintilla resed-
A cinis incensi, nunc ò nunc vestra sub am-
Tanaim Bellona naret, sparsiq, favillis
A norumq, virumq, gravis vomat alveus unda
Reliquiae pereant icelerum, nomenq Scytharum
A radatur humò, spero hæc, votiq, peracti
Q uam primùm Aonium veniet mihi fama sub antrum

Ad M. D. G.





Biblioteka Jagiellońska



stdr0025797

